

國

朝

列

卿

紀

國朝列卿紀卷之五十八

國初刑部左右侍郎年表

盛原輔

元年任詳吏部
人洪武

張仁

才洪武元年任
人人

程徐

詳本部尚書洪
武二年改任

左安善

舉洪武二年任
人薦

王琮

司令洪武四年任
人任磨坊

李質

詳本部尚書
洪武五年任

呂本

直隸鳳陽人故元
都事洪武五年任

李儼

見本部尚書
洪武五年任

高暉

洪武六年任

黃欽

初薦舉六年任

李敬臣

陝西鳳翔人
洪武六年陞任

李浩

初薦舉七年任

茹大素

山東澤州人
洪武四年鄉舉七年任

臧哲

士洪武八年任

張謙

江西南昌人
洪武初舉文學八年任

黎光

廣東廣州人
洪武壬子鄉薦九年任

顧禮

直隸崑山人
徵辟洪武九年任

劉敏

直隸河間人
孝廉洪武十三年任

秦

琰

山東濟南人洪武庚戌鄉舉十三年任左

李

儀

山東濟南人進士洪武十四年任

楊汝賢

人洪武十五年由助教起試侍郎

王希哲

人薦舉洪武十五年任

葛脩

人薦舉洪武十七年任

周邦

人薦舉洪武十七年任

邵質

人薦舉洪武十七年任

徐文顯

人薦舉洪武十七年任

張文昱

人人才直隸上元人洪武十八年任左

歐陽性

人儒士直隸蘇州人洪武十八年任右

高

鐸

山西絳州人進士
洪武十九年任

謝

祥

人薦舉
洪武二十一年任

朱

浚

浙江縉雲人洪武中
舉明經二十一年任

趙

勉

見本部尚書洪
武二十一年任

凌

漢

河南原武人秀才
洪武二十一年任

邵

永善

浙江仁和人進士
洪武二十一年任

黃

紹祖

人薦舉
洪武二十二年任

祁

鑑

人薦舉
洪武二十三年任

李

似初

人薦舉
洪武二十四年任

周

志清

人薦舉
洪武二十四年任

蔣毅

浙江長興人薦舉
洪武二十六年任

和文

山西平定人洪武中舉
明經二十六年任左

王良

河南祥符人洪武二十六年任右三十二年任左

宋性

山東德州人國子生
洪武二十九年任

薛賓

山西夏縣人歲貢
洪武三十年任

廣脩

湖廣監利人由鄉舉
洪武三十年任右

李文吉

洪武三十年任
人薦舉

胡子韶

四川榮縣人儒士任

李篋

浙江餘姚人進士任左

麟

陝西高陵人舉人
革除四年任右

金

純 直隸泗州人監生革除四年任

盧

祥 直隸房山人國子生永樂元年任

李

慶 直隸順義人監生永樂元年任

趙

玃 河南祥符人舉人永樂二年任

左

獻 直隸廣宗人太學生永樂五年任

楊

泰 直隸山陽人薦舉永樂五年任

吳

錫 直隸景州人進士永樂六年任

張

本 山東東阿人國子生永樂七年任

任

勵 陝西長安人進士永樂十年任

張

忠 直隸開州人國子生永樂十二年任

楊勉
應天江寧人永樂甲申進士十六年任右

國初刑部左右侍郎行實

盛原輔字

人吳元年擢承事郎監察御史本

年修大明律令命爲議律官陞大理寺少卿洪武元年陞刑部侍郎本年調山東行省叅政累官吏部尙書詳國初吏部

張仁字

人國初以人才薦舉洪武元年陞

刑部侍郎

程徐詳本部尙書洪武二年任侍郎

左安善字

人國初薦舉洪武二年拜刑部侍

郎三年調河南知府後卒於官

王琮字

人任磨勘司令洪武四年任

李質詳本部尙書洪武五年任侍郎

呂本字

三

直隸鳳陽府壽州人故元爲元帥府都事丙午年

歸附授中書椽史吳元年授湖廣行省照磨洪武三年陞中書省右司郎中四年改左司郎中五年陞刑部左侍郎進吏部尙書六年改太常寺卿詳吏部并太常寺

李儼見本部尙書洪武五年任侍郎

高暉字

三

人洪武六年任本年四月改福建行

省叅政

黃欽字

三

人洪武初薦舉六年拜刑部侍郎本

年免

李敬臣字

陝西鳳翔府鳳翔縣人洪武初以人才舉

六年陞刑部右侍郎本年免

李浩字

人洪武初薦舉

七

年陞刑部侍郎本年使琉璃後卒於官

茹大素字

山西澤州人洪武四年庚戌鄉舉上萬言書稱

首擢監察御史五年設四川提刑按察司擢按察使執法平允七年召爲刑部侍郎本年降刑部主事九年十二月上書論時務五事累萬餘言上令中書郎中王敏誦而聽之虛文多而實事少其切要可行者四事纔五十餘言因喟然曰爲君難爲臣不易朕所以求直言者欲其切於事而有益於天下國家彼浮

詞者徒亂聽耳遂令中書行其善者且爲定式頒示中外使言者直陳得失無事繁文詳國初戶部尙書

臧哲字

山東青州府諸城縣人洪武中以儒士舉爲兵馬

指揮發奸摘伏不避權豪朝廷嘉之賜白金鞍馬八年陞刑

部左侍郎有才幹調四川行省叅政歷陞廣西布政使以廉介稱丁憂家居勅賜米錢旌之後卒於家

張謙字

江西南昌府南昌縣人明經飭行初職教東湖宗

廉兩書院洪武初有司以文學舉拜監察御史尋辭歸八年布政李宜之再舉明經入朝講周易劉向說苑稱旨吏部覆試第一陞刑部侍郎文行蔚有時名十一年以老乞致仕

黎光字仲輝廣東廣州府東莞縣人博學能文儻有奇氣洪武壬子膺鄉薦釋褐拜監察御史正色立朝卓有風裁常巡歷蘇州民罹水災缺食具實以聞得蒙賑濟存活者甚衆及巡歷鳳陽所上封事皆切時弊遂受知於上其在朝也執法不阿爲御史大夫陳寧所忌陞刑部侍郎纔三閱月陳以他事中之竟卒於謫所人皆惜之

顧禮直隸崑山人洪武初徵舉九年任刑部左侍郎十一年起戶部十二年拜戶部尚書詳戶部

劉敏字

直隸河間府肅寧縣人洪武三年舉孝廉爲中書

吏十二年受知太祖特擢工部侍郎善於其職十三年改刑

部右侍郎詳獄明允十四年出爲徽州府同知有惠政尋卒於

官

秦琰字

山東濟南府歷城縣人洪武庚戌鄉舉

十三年陞刑部左侍郎以才行稱十六年以年老致

仕

李儀字

山東濟南府鄒平縣人洪武辛未進士

十四年陞刑部右侍郎十五年免

楊汝賢字

人任國子助教洪武十五年七月

起試刑部右侍郎

王希哲字

人洪武中薦舉十五年任刑部

侍郎十六年伏誅

葛脩字

人洪武中薦舉十七年任刑部左侍

郎十八年坐同尚書王惠迪盜官糧伏誅

周邦字

人洪武中薦舉十七年任刑部右侍

郎本年免

邵質字

人洪武中薦舉十六年任都察院右

僉都御史十七年任刑部右侍郎十九年致仕

徐文顯字

人洪武中薦舉擢給事中十七年

陞試刑部右侍郎十八年免

張文昇字

應天府上元縣人洪武中舉人才擢邵武府知

府有惠政十八年陞刑部左侍郎十九年致仕

歐陽性字

直隸蘇州府吳縣人洪武四年以儒士徵授靜

寧知州九年陞漢中知府以父憂去任十二年起補東昌府十八年來朝吏部考其稱職陞刑部右侍郎二十一年卒於官

高鐸字仲順山西平陽府絳州人沉潛經史以博洽著聞洪武甲子解元乙丑進士擢監察御史才識明敏十九年言事稱旨拜刑部左侍郎二十一年以失職被劾降都察院右僉都御史詳國初都察院

謝祥字

人洪武中薦舉二十年任刑部右

侍郎本年免

朱浚字

浙江處州府縉雲縣人洪武中舉明經授倚氏知

縣以政績著聞受上知二十二年陞刑部右侍郎尋卒於官

趙勉見本部尚書洪武二十一年任左侍郎

凌漢字斗南河南原武人洪武十七年擢司經局正字未幾出知會稽以事逮繫浙江按察司獄會按察使陶晟在京上知

漢無罪獄爲晟所淹命械晟還釋漢與俱來既至拜監察御史

巡按陝西奏陝西民病數事且言古人謂丈夫出疆有可以安

國家利社稷者專之可也臣竊以爲在春秋戰國則可在今大

一統之時則不可苟許其專恣啓大臣擅權之漸上善其言

召其子賜鈔二百錠衣一襲二十一年又以不受私遺陞右副

都御史尋陞右都御史時詹徽爲左都御史論議數不合每面折徽徽銜之奏遣按事蘇松還朝以失職爲監察御史桂滿所劾左遷刑部侍郎二十四年命署吏部數月改禮部右侍郎詳都察院右都

邵永善字

浙江杭州府仁和縣人洪武乙丑進士二十一年陞刑部右侍郎二十二年轉左侍郎二十三年改兵部詳國

初工部

黃紹祖字

人洪武中薦舉二十二年任刑部

右侍郎二十三年免

祁鑑字

人洪武中薦舉二十三年任刑部右

侍郎二十五年卒於官

李似初字

人洪武中薦舉二十四年任刑部

左侍郎二十六年卒於官

周志清字

人洪武中薦舉二十四年任大理

寺卿本年遷右副都御史二十五年任刑部右侍郎二十六年改戶部二十七年致仕詳國初戶部

蔣毅字

浙江湖州府長興縣人洪武中薦舉二十六年任

刑部右侍郎二十九年免

和希文字

山西太原府平定州人洪武中舉明經蒞職勤

能二十六年陞刑部左侍郎二十六年以年老致仕

王良字天性河南開封府祥符縣人

洪

武二十六年任右僉都御史二十七年遷刑部右侍郎建文中
爲刑部左侍郎辛巳五月坐問燕人罪輕左遷浙江按察使謁
岳飛墓誓曰苟愧武穆非人也壬午六月門靖難師克城慟哭
以誓必死會命使召之良執使者下獄詰且縛出期戮以徇
道中忽遇衆鼓譟而起奪使者去良避坐臺上收抱司印一浙
江東西道印五經歷司照磨所司獄司印三凡九印悉懸置於
篋携歸入門嗟嘆者久之妻問其故良曰我分應死顧思所以
處汝未決爾妻曰我則不難處君爲男子乃爲婦人謀乎遂命
妾顧良而抱其子歛歔如其廁先投於池而死良久往覓之子

匍匐池旁其鞋猶在頃浮起良殯殮畢積薪於閉戶戒其家人

毋得出

或云寫遺囑付家人

命妾抱幼子往某僉事家以宗祀爲托

或云良子

時方警亂夜以托鄉人之商於杭者

遂舉烈焰以印投焰中與家人同赴火死時

六月二十一日也事聞於朝 成廟曰死自其死朝印吾 父

皇所制擅毀之特可罪耳詔徙其家於邊旣而風雨晦暝人或

見其出沒後官不敢營其宅居台人陳璉私識其事翰林編修

黃佐爲之傳正德戊寅按察使梁材始卽司門內東南祠之楠

曰忠節提學副使劉瑞萬潮皆記之瑞銘曰允烈王公安其靈

矣火其身不火其名矣億千百世赫且明矣謂文與事相稱云

宋性字

宋

山東濟南府德州人洪武中由國子生爲刑部主

事以明慎受知於太祖二十九年命署刑部右侍郎三十年出爲湖廣按察司副使革除中調陝西永樂元年陞四川右叅政尋進北京刑部右侍郎所至以廉能著名比卒人多惜之詳北京刑部

薛賓字

山西解州夏縣人洪武二十六年歲貢人太學授

刑部主事三十年陞署刑部右侍郎尋改北平布政司左叅政卒於官

李文吉字

人洪武中薦舉

二十五年陞都察院右僉都御史本年改少詹事尋復左僉都御史二十九年陞工部右侍郎三十年改刑部右侍郎革除元

年免

胡子韶字仲常初名志高字伯尚以避嫌改四川嘉定州榮縣人世居縣之東州鄉子韶富經術性忠介方孝孺爲漢中教授講明理學往從之游蜀獻王賦詩贈之其後由儒士被薦至京師革除間爲史官歷陞山東按察司僉事刑部右侍郎壬午八月十九日坐黨送鎮撫司九月十一日授戮年四十一正德中御史熊相於州治之西立祠祀之

劉韶字季篋以字行浙江紹興府餘姚縣人登洪武甲戌進士第授行人司行人嘗持節雲南四川朝鮮所至宣上德達民隱餽贐一毫無所受事聞賜鈔襲衣丁丑陞陝西布政司左叅政

先是陝有逋賦民積歲不能輸有司峻刑督之詔至慨然曰民困不能輸爲之父母又忍峻刑督之耶與其察謀分行郡縣解其繫緩其期勞來綏輯而從容勸誘民皆感激曰是矜念我我可不戮力以累仁人奔走假貸以輸無幾畢完陝不產礪砂而歲月有課額民窘不能償至或償其家者爲奏罷之洪渠水溢爲民患躬行視之爲設法治堰民賴以安蓋凡可以利民者率盡心焉在陝四年被召爲刑部左侍郎尤懇懇重民命平反數事陝平民王某爲強盜所引逮至而所引者已伏法不能自白乃召所引者之妻子使識之而聽其詞竟得實王免於誣有典守錢穀而虧免者旣被逮則援引千餘人同罪詔廉知其誣率

辯所誣引者釋之河陽逆旅夜月朱趙二人異室而宿朱怨家
後追至而誤殺趙朱實不知逆旅主人疑朱殺之追執送官鞠
訊拷掠朱遂誣服不敢求辯詔獨曰是偶邂逅相聚非素有負
且計其裝非有圖也特緩其獄遣人密察之無幾有司竟得殺
趙者而朱以緩獄不死楊州民胡氏夜有賊人入其室殺人而
遺刀屍傍旦視之柄有鄰家蘇氏私識官捕鞠蘇曰家失此
刃久矣不服旣脩極諸刑竟誣服詔潛使持刀往察其鄰一童
子識之曰我家物也遂得賊而釋蘇益其理刑一以求生爲務
永樂乙酉纂修大典命太子少師姚廣孝禮部尙書姚賜監修
而擇有文學者一人爲之副遂以命詔討論裁處人多服之庚

寅坐失出入罪左遷兩淮鹽運判未行復留丁酉改工部營繕司主事躬勤治職未嘗以崇卑爲意癸卯以疾卒年六十一

墨麟字

陝西高陵

人洪武甲子舉人任北平副使革除

壬午年任右侍郎本年改兵部詳兵部

金純字德脩直隸鳳陽府泗州人任江西右叅政革除四年任刑部右侍郎永樂三年命採木湖廣事集而民不擾八年遷本部左侍郎九年還河淤塞命純發河南運木夫開濬自開封

城北引水下達鄆城入魚臺場場口出穀亭北十里以修國初時政事十年回京十四年改禮部左侍郎歷刑部尙書詳刑部

盧祥字

順天府房山縣人洪武三十年由國子生擢刑部

郎中章除中免官永樂元年陞北平右叅議本年陞刑部左侍郎十年卒於官贈刑部尚書

李慶字德孚一字以善順天府順義縣人洪武末年以生員入太學文廟靖難以潛邸知遇命署僉都事永樂元年由紹興知府陞刑部右侍郎五年改都察院左副都御史歷行在工部兵部尚書詳兵部

趙玃詳南京刑部尚書由浙江右叅政永樂元年任本部右侍郎二年轉工部

左獻字 [REDACTED] 直隸順德府廣宗縣人洪武中由大學生授戶部主事永樂元年陞浙江左叅議五年陞刑部右侍郎本年以事

謫爲辦事官七年復原職九年卒於官

楊泰字

直隸淮安府山陽縣人洪武中由薦舉刑科給事

中華除中陞北平按察司僉事永樂初年陞通政司左通政五年陞刑部右侍郎本年卒於官贈戶部尚書諡襄毅

吳盛字

直隸河間府景州人洪武丁丑進士授沔池知縣

考滿陞戶部員外郎永樂初年陞刑部郎中六年陞刑部右侍郎七年扈行在十年卒於官

張本字致中山東兗州府東阿縣人洪武末年由國子生擢揚州府江都知縣歷工部左侍郎六年坐累謫交趾永樂七年任本部右侍郎十八年扈巡北京二十二年陞南京兵部尚書

改兵部尚書詳兵部

任勵字

陝西西安府長安縣人洪武乙丑進士

永樂十年陞刑部左侍郎十一年卒於官

張忠字

直隸大名府開州人國子生自幼才識明敏

學有聲登洪武乙丑進士永樂初年擢刑科給事中十一年
兵部右侍郎十二年陞刑部左侍郎十七年卒於官

楊勉字

見刑部侍郎永樂十六年任

國朝列卿紀卷之五十九

柱國少傅兼太子太傅工部尚書豐城雷

提督應安等府學校監察御史同邑徐

刑部左右侍郎年表

張

本

山東東阿人監生永樂十九年以刑部
右侍郎改北二十二年陞兵部尚書

樊

敬

山東鄆城人洪武丁丑進士永樂二
十二年任左侍郎宣德五年致仕

楊

勉

應天江寧人進士永樂二十二年以右侍郎理部
事本年謫山東右叅政洪熙元年調廣東卒於官

吳

廷用

福建政和人進士永樂二十二年
任右宣德元年改南京禮部左

施

禮

順天東安人進士宣德元年右
叅註五年陞南京刑部尚書

葉

春

浙江海鹽人邑掾宣
德六年任右尋改南

魏

源

詳本部尚書宣德五年任右
尋改河南布政六年任左

曹

弘

湖廣益陽人進士宣德五年任右六
年巡撫淮南山東正統二年卒於官

蔣

勉

四川涪州人進士宣德
六年任右十年致仕

何

文淵

江西廣昌人進士宣德十年任右正統六
年致仕後起吏部左侍郎詳吏部尚書

陳

鼎

廣東新興人進士正統
元年任左三年卒於官

丁

鉉

江西豐城人進士正統三年任右十四
年死土木之難贈刑部尚書謚襄愍

張

鳳

直隸安平人進士正統三年協理右侍
郎事四年出督草場六年調南京戶部

邵

旻

河南蘭陽人永樂乙未進士正統四
年任協理右侍郎五年降擢州知府

薛

希璉

浙江麗水人宣德庚戌進士正統六
年八年出撫保定等府歷南

楊

寧

直隸欽縣人進士正統六年以
右添註七年丁憂歷南京刑部

馬

昂

直隸滄州人鄉舉正統八年右添註
本年參贊甘肅歷兵戶二部尚書

郭

瑾

江西萬載人永樂甲辰進士
正統八年右添註九年致仕

丁

鉉

直隸南陵人永樂中舉楷書入國
子監生正統十年任左本年致仕

楊

寧

見前正統十
一年再任右

李

棠

浙江縉雲人宣德庚戌進士正
統十四年任右本年出撫廣西

江

淵

四川江津人宣德庚戌進士正統十
四年任右本年入閣歷工部尚書

耿

九疇

河南盧氏人永樂甲辰進士正統十四年任右
景泰三年出撫陝西歷南京刑部卒諡清惠

周

瑄

山西陽曲人鄉舉景泰元年右天順二
年任左成化四年陞南京刑部尚書

羅

綺

河南磁州人宣德庚戌進士景
泰三年任右本年出撫四川

劉

清

直隸滌州人正統戊辰進士景泰三
年任右天順元年謫四川左叅政卒

孔文英 陝西安化人永樂辛丑進士景泰六年任左七年卒於官

劉廣衡 詳本部尚書天順元年任左

黃仕雋 四川富順人正統壬戌進士天順元年任右五年致仕

程信 直隸休寧人正統壬戌進士天順五年任右六年下憂歷南

董方 詳本部尚書天順七年任右

廖莊 江西吉水人宣德庚戌進士成化四年任左本年卒於官贈刑部尚書謚恭敏

魯翬 江西泰和人宣德癸丑進士成化四年任左九年致仕卒

杜銘 詳本部尚書成化九年任右本年轉左

林鶚 浙江太平人景泰辛未進士成化九年任右十二年卒於官贈刑部尚書謚恭肅

張鎰 見本部尚書成化十三年任右十七年轉左

盛 顥 直隸無錫人景泰辛未進士成化十七年任右諭月調都察院左副都御史

杜 銘 見前成化十九年再任左

侶 鍾 山東鄆城人成化丙戌進士二十一年任右

何喬新 詳本部尚書成化二十一年任左

程 宗 直隸常熟人景泰辛未進士成化二十二年任右二十三年左

彭 韶 詳本部尚書成化二十三年任右

閔 珪 詳本部尚書弘治元年右三年任左

白 昂 詳本部尚書弘治二年任左

張 錦 陝西岷州衛籍河南太康人成化己丑進士弘治四年任左八年丁憂弘治十年再任十一年卒

戴 珊 江西浮梁人天順甲申進士弘治四年右八年任左

謝綬 江西樂安人景泰甲戌進士弘治八年任右九年轉左詳南京禮部尚書

屠勳 詳本部尚書弘治九年任右十一年轉左

張錦 詳前弘治十年再任左十一年卒於官

陳道 直隸盱眙人天順甲申進士弘治十一年任右十二年轉左

何鑑 見本部尚書弘治十二年任右十三年轉左十五年丁憂

李士實 江西豐城人新建籍成化丙戌進士弘治十三年任右十七年致仕

屠勳 見前弘治十六年再差

魏紳 山東曲阜人成化辛丑進士弘治十七年任右十八年卒於官

魏富 福建龍溪人成化丙戌進士正德元年任右乞致仕未任

何鑑 見前正德元年回部任左

葉贊 直隸山陽人天順甲申進士正德元年任右二年轉左本年致仕卒於官

陶琰 山西絳州人成化辛丑進士正德二年任右

王鑑之 詳本部尚書正德二年任右

劉璟 詳本部尚書正德二年任右四年轉左

韓邦問 湖廣襄陽衛衛籍浙江會稽人成化己丑進士正德三年任左本年乞休加刑部尚書致仕

才寬 直隸遷安人成化戊戌進士正德三年任左改兵部歷兵部尚書總制三邊

張鸞 陝西咸寧人成化辛丑進士正德三年任左四年以賄瑾爲民

張子麟 詳本部尚書正德四年任右六年轉左

張泰 直隸肅寧人成化戊戌進士正德五年任左

戈瑄 直隸景州人成化乙未進士正德六年任右

黃珂

四川遂寧人成化甲辰進士
正德七年任右本年轉左

張綸

直隸宣城人成化甲辰進士
正德八年任右九年轉左

王寅

直隸容城人成化辛丑進士正德
九年任右本年養病尋卒於家

楊茂元

浙江鄞縣人成化乙未進士正
德九年任右十一年卒於家

馮清

順天宛平籍浙江餘姚人
正德十二年任右十四年遷兵部左總制宣大進士正

金獻民

見本部尚書正
德十三年左

胡韶

江西鄱陽人成化甲辰進士正德十四年
任右十六年致仕卒贈刑部尚書謚康簡

顏頤壽

詳本部尚書正德十
六年任右本年轉左

臧鳳

山東曲阜人弘治庚戌進士正德十六年任右
嘉靖二年轉左三年陞南京刑部尚書改姓孟

胡瓚

直隸永年人弘治癸丑進士嘉靖二年
任右三年遷戶部左歷南京工部尚書

劉玉 江西萬安人尚書廣衡孫弘治丙辰進士嘉靖三年任右本年轉左六年以大獄閑任卒贈刑部尚書諡端毅

王啓 浙江黃巖人成化丁未進士嘉靖三年任右六年以大獄閑任

梁林 南京金吾衛籍弘治己未進士嘉靖六年任左詳戶部尚書

許讚 見本部尚書嘉靖六年右七年任左

劉麟 江西安仁人弘治丙辰進士嘉靖七年任左

聞淵 見本部尚書嘉靖七年任右八年轉左

汪鉉 直隸婺源人弘治壬戌進士嘉靖八年任右九年陞右都歷太子太保吏部尚書卒諡榮和

寇天敘 山西榆次人正德戊辰進士嘉靖九年任右本年丁憂起兵部右侍郎

朱廷聲 江西進賢人弘治己未進士嘉靖九年任右十一年養病

劉節 江西大庾人弘治乙丑進士嘉靖十一年任右十二年閑任

陳璋

浙江樂清人弘治乙丑進士嘉靖十二年起左十四年被劾致仕

楊志學

詳本部尚書嘉靖十二年任右十四年轉左

潘日

直隸婺源人弘治乙丑進士嘉靖十四年任右十五年兼左僉都御史總制兩廣

周期雍

詳本部尚書嘉靖十五年任右十七年轉左

蘇民

陝西儀衛司籍浙江遂昌人弘治乙丑進士嘉靖十七年任右十八年卒於官

屠僑

見本部尚書嘉靖十八年任右本年致仕

宋景

江西奉新人弘治乙丑進士嘉靖十八年任左十九年陞南工部尚書歷南吏兵二部改左都御史

吳山

詳本部尚書嘉靖十九年任右

王浚

浙江建德人正德戊辰進士嘉靖十九年任右二十年致仕

蔡相

直隸江都人弘治壬戌進士嘉靖二十年任左二十三年致仕

屠

僑

見前嘉靖二十年
起右二十三年左

喻茂堅

詳本部尚書嘉靖二十
三年任右本年轉左

韓邦奇

陝西朝邑人正德戊辰進士嘉靖二十三
年任右二十四年改兵部歷南兵部尚書

劉訥

詳本部尚書嘉靖二十四
年年任右二十五年轉左

張岳

福建惠安人正德丁丑進士嘉靖二十
五年補右未任歷湖川貴右都御史

詹瀚

江西玉山人正德丁丑進士嘉靖二十六
年年任右二十七年轉左二十八年開往

傅炯

江西進賢人嘉靖癸未進士二十七年任右
二十八年轉左二十九年陞南京刑部尚書

蘇祐

山東濮州人嘉靖丙戌進士二十八年
任右本年改兵部歷宣大右都御史

顧應祥

詳本部尚書嘉靖
二十八年任左

彭黈

江西安福人嘉靖癸未進士二十八年任右二十
九年改兵部左兼僉都巡撫應天歷南京工部尚書

楊行中

順天通州人嘉靖癸未進士
二十九年任左三十年丁憂

周延

江西吉水人嘉靖癸未進士三
十年任左三十一年陞南右都

何鰲

詳本部尚書嘉
靖三十年任右

吳鵬

浙江秀水人嘉靖癸未進士
三十一年任左詳本部尚書

王學益

江西安福人嘉靖己丑進士三
十一年任右三十二年轉左

鄭曉

詳本部尚書嘉靖三十
二年推右未任改吏部

陳儒

錦衣衛籍交趾人嘉靖癸未進士
三十二年任右三十二年轉左

張鏊

江西南昌人嘉靖丙戌
進士三十四年任左

蔡雲程

浙江臨海人嘉靖己丑進士三十
四年右本年任左詳本部尚書

鄭大同

福建莆田人嘉靖己丑進士三
十四年任右三十五年開任

孫世祐

江西豐城人嘉靖己丑進士歷南京工部右三十五年左未任卒於南京

馮天馭

詳本部尚書嘉靖三十五年任右三十六年改吏部

楊大章

浙江餘姚人嘉靖癸未進士三十八年任左三十八年開任

潘恩

見本部尚書嘉靖三十六年任右

馬森

福建懷安人嘉靖乙未進士三十七年任右

趙大佑

浙江太平人嘉靖乙未進士三十七年任右三十八年轉左四十年陞南院右都

傅願

湖廣沔陽人嘉靖壬辰進士三十八年任右

葉鏜

江西上饒人嘉靖辛丑進士四十年任右本年左四十二年調南京刑部

鄆懋卿

江西豐城人嘉靖辛丑進士四十年任右四十一年開任

孫植

浙江平湖人嘉靖乙未進士四十一年任右四十二年左陞南京都察院右都御史

萬虞愷

江西南昌人嘉靖戊戌進士四十二年任右四十四年致仕

錢邦彥

直隸吳縣人嘉靖乙未進士四十二年任左陞南京刑部尚書

毛愷

浙江江山人嘉靖乙未進士四十四年任右本年改吏部陞南京禮部尚書

陳堯

直隸通州人嘉靖乙未進士四十四年推左養病未任

劉體乾

順天東安人嘉靖甲辰進士四十四年任右

遲鳳翔

山東臨朐人嘉靖甲辰進士四十四年任右見兵部左侍

霍冀

山西孝義人嘉靖甲辰進士四十五年任左

張瀚

浙江仁和人嘉靖乙未進士四十五年任右本年改兩廣

王本固

直隸刑臺人嘉靖甲辰進士四十五年任左

郭宗臯

山東福山千戶所籍江西萬安人嘉靖己丑進士隆慶元年推左未任

林雲同

福建莆田人嘉靖丙戌進士隆慶元年任右轉左

樊深

直隸大同人嘉靖壬辰進士隆慶元年任右轉左二年致仕

洪朝選

福建同安人嘉靖辛丑進士隆慶元年任右二年左三年開任

鄭世威

福建長樂人嘉靖己丑進士隆慶二年任右二年致仕

戴才

直隸滄州人嘉靖甲辰進士隆慶二年任右

吳百朋

見尚書隆慶二年任右本年丁憂

游居敬

福建南平人嘉靖壬辰進士隆慶三年任右五年致仕

王國光

山西陽城人嘉靖甲辰進士隆慶五年任右

朱大器

江西南城人嘉靖甲辰進士隆慶五年任右轉左

曹金

河南祥符人嘉靖丁未進士隆慶五年任右改撫陝西

畢

鏘

直隸石埭人嘉靖甲辰進士隆慶六年任右轉左

陳

灼

江西臨川人嘉靖辛丑進士萬曆二年任右

翁大立

浙江餘姚人嘉靖戊戌進士萬曆三年任左

王宗沐

浙江臨海人嘉靖甲辰進士萬曆三年任左

陶承學

浙江會稽人嘉靖丁未進士萬曆四年任右五年左

王好問

直隸樂亭人嘉靖庚戌進士萬曆四年任右

嚴清

浙江嘉興人嘉靖甲辰進士萬曆五年任右

陳瑞

嘉興人嘉靖癸丑進士萬曆六年任右本年轉左

徐學謨

嘉興人嘉靖庚戌進士萬曆七年任右八年轉左

王篆

湖廣夷陵人嘉靖壬戌進士萬曆八年任右本年改吏部右

劉思問

河南孟縣人嘉靖丙辰進士萬曆八年任右

劉一儒

湖廣夷陵人嘉靖己未進士萬曆八年推右本年轉左

胡 櫨

湖廣宜城人嘉靖壬戌進士萬曆十年任右十一年聽劾

熊汝達

江西進賢人嘉靖甲辰進士萬曆十一年任左

吳文華

福建連江人嘉靖丙辰進士萬曆十一年推右轉左未任

舒 化

江西臨川人嘉靖己未進士萬曆十一年推右本年轉左

孫應鰲

貴州籍如皋人嘉靖癸丑進士萬曆十一年推右未任

丘 楨

山東諸城人嘉靖庚戌進士萬曆十二年任右本年左

耿定向

湖廣麻城人嘉靖丙辰進士萬曆十三年任左

張 岳

浙江餘姚人嘉靖己未進士萬曆十三年由左副都御史任左九月致仕卒

蕭 廩

江西萬安人嘉靖乙丑進士萬曆十三年任右

吳時來

浙江偃居人嘉靖癸丑進士萬曆十三年任左

陳 瓚

直隸常熟人嘉靖丙辰進士萬曆十四年任右十六年轉左

何 源

江西廣昌人嘉靖己未進士萬曆十六年任左

孫 鏞

浙江餘姚人嘉靖丙辰進士萬曆十六年任右轉左

李 戴

河南延津人隆慶戊辰進士萬曆十七年任右轉左

張孟男

河南中牟人嘉靖乙丑進士萬曆十七年任右本年陞戶部左

詹仰庇

福建安溪人嘉靖乙丑進士萬曆十七年由左副都任右十八年告病

邵 陞

浙江餘姚人隆慶戊辰進士萬曆十八年由左副都任右

刑部左右侍郎行實

張本字致中山東東阿縣人洪武中由國子生擢江都知縣受
一知 文廟累官刑部右侍郎十八年詔明年定鼎北京召 仁
宗於南京本同學士楊士奇扈從 仁宗過鳳陽謁陵畢見
仁祖淳皇帝所遺石農器顧本與士奇曰此國家帝業所自也徘徊
久之而後退比至北京除行在二字仍留本爲刑部右侍郎
在刑部奉命督北京河運至濟寧而病 朝廷聞知遣中官挾
醫馳視并 賜藥及貂裘竣事還益持敬慎議獄必究其情疑
者處之率從忠厚數發奸擿伏奇中而紀綱秩秩 仁宗初嗣
位重南京根本之地曰張本特立不阿首進南京兵部尚書兼

都察院詳兵部

樊敬字

山東兗州府鄆城縣人洪武丙子鄉舉乙丑會試

北人俱不中奏許考試官學士劉三吾 太祖特命選試山東

山西北平陝西河南四川下第舉人時與試者六十人賜敬進

士出身擢春坊司諫革除中改行人司副歷鴻臚寺丞永樂元

年陞鴻臚寺少卿二年陞本寺卿三年改廣東左叅政七年召

爲通政司左通政十年 仁孝皇后將歸山陵命沿邊預備橋

梁具舟船十九年北征沙漠以敬有治才 命督軍餉擒朝誠

等與有功特 賜賞賚二十年命鎮守濟寧地方以行軍司馬

行事二十二年陞刑部左侍郎宣德五年致仕卒於家

楊勉字應天府江寧縣人永樂甲申進士改庶吉士命
讀中秘書問學日進博洽能文久之授刑部主事成祖命學
士胡廣等編集五經四書大全及性理全書胡廣薦勉同纂修
時部屬與者僅十二人十三年書成尋陞行在刑部郎中十六
年改司丞陞行在刑部右侍郎爲人丰姿俊偉有應變才十八
年命署山東左布政使事十九年定鼎北京命巡視福建地方
考察官吏安撫軍民本年事竣還京以事逮獄二十二年仁
宗嗣位釋繫復刑部右侍郎本年謫山東右叅政洪熙元年又
調廣東右叅政後卒於官

吳廷用字

福建建寧府政和縣人永樂甲申進士擢戶科

給事中二十二年陞雲南僉事 陞辭乞歸省親 上曰爾居

侍從幾二十年謹厚小心宜在朕左右以內閣楊榮薦陞行在
刑部右侍郎而令歸省在任不能持正阿比權勢大理寺少卿
戈謙言事過直廷用同尚書呂震吳中都御史劉觀交奏其賣
直沽名賴內閣楊士奇力救 上待戈謙如初及鄙廷用等阿
徇宣德九年改禮部左侍郎涖事南京詳南京禮部

施禮字

順天府東安縣人洪武丁丑進士授行人司司副

累官大理寺左少卿永樂二十二年 仁宗嗣位遣祭山西中

鎮霍山并西海河瀆媧皇商湯諸祠事竣還京 賜賚加獎會

宣宗嗣位改元之元年特陞行在刑部右侍郎協理右侍郎事五

年陞刑部尚書詳南京刑部

葉春字

■

浙江海鹽人由邑掾宣德五年任右侍郎尋改南

魏源詳尚書宣德五年任右出爲河南左布政六年任左

曹弘字

■

湖廣長沙府益陽縣人永樂乙未進士授刑部主

事歷本部員外郎恭慎有聞宣德五年以大臣薦陞刑部右侍

郎巡撫淮南山東安靜不擾遠近稱之詳淮揚巡撫

蔣勉字

■

四川重慶府涪州人永樂乙未進士授刑部

■

司主事練達刑名能聲著於法曹洪熙元年秩滿陞

■ 郎中

比情議法不縱不枉太宰蹇義以同鄉素稱其鄉行宣德六年

陞行在刑部右侍郎益明慎平允人多稱之十年致仕

何文淵字巨川江西建昌府廣昌縣人永樂戊戌進士擢湖廣道監察御史陞温州知府治績爲天下第一宣德十年禮部尚書胡濙薦文淵宜大用乃權刑部右侍郎將赴召溫之官吏軍民父老咸號泣遮留及出城男女送者萬餘人填塞城門居民在江之北者率父老童稚望風拜伏悲泣於岸側在郡六年無錙銖之取於民布裘蔬食處之怡然故去時詩云行囊不載溫州物惟有民情滿腹中民思之不已爲立生祠歲時祭祀及在朝數上章言事皆關於治體每朝廷有政事百官廷議文淵辯析利害衆皆服之論囚常求生之前後辯繫者之寃不可勝數又命典獄灑掃囹圄夏月則寬其桎梏正統元年丙辰九月

詔往淮揚理鹽法惟私販情重者罪之餘悉寬貸議者欲悉籍其家文淵力爭之全活者百餘家庚申八月朝議遣文淵經理京畿八府荒政多得賑濟之法初麓川思任發苦邊吏侵刻而叛都督方政討之敗死已而遣使入貢謝罪而羣臣復請討之文淵上書大略言麓川一彈丸瘴癘地令官一員直入其地諭以禍福必稽首稱臣輿琛入貢若或冥頑梗化則調軍相機勦絕如此則遠人蒙再生之恩而朝廷亦免出師轉餉之勞詔百官會議時有欲邀功邊徼者但言征之便卒以山川險阻弗能克兵疲於奔命民困於轉輸東南騷動衆始悔之辛酉六月旱詔文淵審覆在京罪囚多所平反凡情有可矜法有可疑者

咸從輕議越數日天乃雨大有年上封事者言民之盜竊者多
黥刺之刑不足使之懲創自今犯者宜扁其門曰竊盜之家

朝議從之文淵具言律有常憲竊盜初犯再犯俱刺字三犯者絞
今又起立牌額是於律條之外又加其罪况在京及各處布政
司人煙輻輳爲盜者多若盡立牌額數年牌額必多有失四方
來往之人觀瞻實傷治體書奏乃寢其令時文淵以疾欲告歸
而少師楊公士奇少保楊公溥勉留之且擬大拜文淵以疾力
求罷上乃許之既歸杜門不出惟課僮僕畊墾教子讀書而
已己巳八月邸邸攝位詔起爲吏部左侍郎詳吏部

陳鼎字重器廣東肇慶府新興縣人永樂乙未進士吏部尚書

蹇義知其學行薦擢山西道監察御史立朝正直不詭隨於時俗宣德初出知建昌府時民多桀驁鼎至治最强者十餘始知畏法復布教條施德意而郡內治荆府內豎蕭詔擅作威福鼎以聞寘之法於是官校之屬歛衽畏避四境晏然十年以政績陞都察院右僉都御史勵志剛決風紀益振左右都御史缺人與僉都王翱等正己率物各道敬服正統元年陞刑部左侍郎與尚書魏源相得留心刑獄務崇矜恤三年卒於官賜葬祭丁鉉字用濟江西南昌府豐城縣人永樂甲午鄉舉中乙未進士授太常博士歷遷刑部浙江司主事廣東司郎中正統三年刑部侍郎何文淵薦爲本部右侍郎與尚書匡山魏源並以江

西人同處法司號稱明允五年該行在兵部奏奉 欽依凡官
吏人等犯枉法贓者不分南北俱發北方邊衛充軍鉉同魏源
會右都陳鎰等議得大明律內一款受財枉法者有祿人一貫
以下杖七十每五貫加一等至八十貫絞無祿人各減一等至
一百二十貫絞若以受枉法贓不分多少俱發充軍不無輕重
失宜合無將今後文職官吏監生承差人材知印人等受枉法
贓律該絞罪者俱發北方邊衛充軍其受贓不及前數律該杖
罪徒流者不分受贓多寡俱照見行事例運磚運米做工等項
贖罪完日各發回原籍爲民庶幾輕重得宜至今行之十四年
虜犯大同 上命治兵太監王振主親征不與外廷議及 命

下卽上章言邊鄙之事惟嚴備不必親御六師報不從師行次
唐家嶺軍中夜驚失大將所在鉉歎曰是豈可以言用兵耶因
詣帳殿力請 車駕還京師嚴號令明賞罰責成於諸將足矣
上嘉其言不決退又連章請還皆爲振所沮來報者言虜大可慮
始用前請振猶欲從容虜奄至鉉遂遇害景泰初贈尚書進謚
襄敏

張鳳字子儀直隸真定府安平縣人宣德丁未進士癸丑春擢
刑部江西司主事時江西豪民爲逆者千餘人繫獄未決一訊
皆得其情獄上獲生者數百人能譽大振大司寇嘉其才特令
總闔部章奏及錄在京逮繫者正統戊午冬陞本部右侍郎山

主事而進侍郎者前未有也已未夏以京城草廠出納多弊勅巡督之辛酉春改南京戶部右侍郎詳南京戶部

邵旻字子仁河南開封府蘭陽縣人永樂乙未進士授戶部

司主事出納明慎吏胥無緣爲奸宣德五年陞武昌知府性忠直爲政公平三載間六事咸舉百弊悉除十年陞行在工部右侍郎時三殿并宮城並建與吳中同効勞績正統四年改刑部協理右侍郎事五年以事謫柳州府知府卒於官

薛希璉字廷器浙江麗水縣人宣德庚戌進士擢貴州道監察御史能聲茂著正統六年擢刑部協理右侍郎事八年畿內廣平等府旱且蝗命往視至則黜賊吏蠲逋負弛徵輸嚴令捕

之蝗乃息是月大雨者三苗稿復蘇民以不流亾未幾往理鳳陽等處屯田宿弊一清軍民兩利十年巡撫南北直隸保定淮安等一十二府事有便不便者施罷不俟日尤急於宣上德達下情民用感悅十三年夏復往鳳陽賑民民饑以濟是歲閩寇鄧茂七作亂師征踰年始克之而郡縣凋弊尤甚命鎮守其地撫輯人民旣而殘寇羅不復起乃請調兵討之親總軍務晝夜籌度其間知賊黨迫脅者衆遣人抵其壘諭曰若等皆平民苟能自新吾當上請賞若罪不然將殄滅之無遺育乃已爾無悔不日降者數萬計先是有逃入海者聞之亦棄兵自縛請麾下待罪悉釋之使歸田里其負固不服者縱兵擊之擒斬殆

盡闖寇乃平以功陞刑部尚書後改南京刑部卒於官詳南京

刑部

楊寧字彥謚直隸歙縣人宣德庚戌進士授刑部司主事

正統初隨征麓川陞郎中六年以軍功陞刑部右侍郎添註本部管事七年丁母憂十年起叅贊雲南軍務至則練兵伍督屯耕興利去害不以勢撓先是有頭目恭項者嘗効力隨征具奏請置隴川宣撫司以恭項爲宣撫用旌其義城騰衝險要以控制變夷建學舍選生徒訓令務學以變夷風先是麓川賊首逃於緬乃簡銳師若將有所向者先遣人奉詞責緬緬人懼哀求出賊自効函其首以獻丙寅侍郎侯璉代還朝丁卯鑿成辰春

上以清明謁祭三陵俱命留守未幾閩浙東廣草寇竊發江右密
邇三境懼有侵軼慮 朝廷命巡撫詳南京刑部

馬昂字景高直隸河間府滄州人永樂癸卯鄉舉授序班以廷
臣薦擢雲南道監察御史正統八年以儀表莊重爲 英廟所
眷注特陞刑部右侍郎本年改右副都叅贊甘肅軍務累官兵
戶二部尚書詳戶部

郭瑾字邦載江西袁州府萬載縣人永樂癸卯鄉薦甲辰舉進
士擢刑科給事中正統六年陞刑科都給事中在科持身端謹
不激不隨人稱得體八年陞刑部右侍郎協理部事理獄慈恕
不務苛刻九年致仕

丁鑑字

直隸寧國府南陵縣人永樂間由楷書入國子監

需用宣德中擢戶部

司主事輕財重義以父恕有鄉行嘗

於鄰居壞垣得白金首飾一囊詢其實還之力求繼父風正統
中爲兩浙都轉鹽運司運使不入義外一錢以廉能著稱朝
廷嘉之 賜衣楮幣錫宴於禮部十年陞刑部左侍郎踰年乞
致仕卒於家

李棠字宗楷浙江縉雲縣人宣德庚戌進士授刑部河南司主
事蒞官行已一以古人爲師治獄法歐陽公求生不得然後論
之如法已未廷臣建存省京儲之議 詔六卿減部屬棠遂需
次南還越三年壬戌秋官尚書魏源薦起之癸亥八月調刑部

山西司主事魏去淮陽金濂代之以嚴憚僚屬棠遇事據理辯
是非雖被譴呵叱不爲動蕭宗伯時爲正郎深服其守正不撓
久之金亦知爲純德君子甲子夏薦授員外郎每有疑獄必召
棠相可否乙丑上降欽恤之典尚書金以南畿地廣而獄多
遂以屬棠所至嚴奸直枉公明平當賴以全活者甚多竣事還
京不數日河南有謀殺商旅者久不得其情金復請於朝命
往廉之其事果白人皆稱之丁卯金以部屬正郎缺員首以棠
薦命往得江西某術刁軍某誣千戶劉某謀叛無少長男女
皆下獄連坐者幾百人不避利害悉爲直之劉感恩無由謁謝
率家望門羅拜而去嘗有兄毀其弟財產棠比常人減其罪三

等衆譁然以爲失出棘寺駁之乃核兄殺弟律比之衆方敬服
己巳秋八月 英廟親征北虜留守大臣薦其才德老成陞本
部右侍郎階嘉議大夫十月奉 勅巡撫廣西地方詳廣西巡

撫

江淵字世用四川江津縣人宣德庚戌進士改應吉士授翰林
院編修歷侍講正統十四年陞刑部右侍郎土木之變徐有貞
倡議南遷被太監金英扶出淵直左掖門問之徐曰吾主南遷
不合矣淵入昌言固守之策遂見稱賞會虜犯京城西北關外
都督孫鏜營於城西命淵叅其軍及虜退尋改戶部右侍郎兼
學士入閣拜工部尚書詳內閣

耿九疇字禹範河南河南府盧氏縣人永樂甲辰進士擢禮科
給事中歷兩淮鹽運司同知正統十四年以廉正陞刑部右侍
郎屢與司官辯疑獄不爲勢利所怵有婦誣其夫衆欲斷與九
疇曰不可杖其婦而歸之人服其當未幾有邊警乘輿出巡
命留守京師旣而鳳陽歲凶盜起復勅往緩之乃留英武飛
熊諸衛軍耕守以杜奸寇覬覦之心招徠流民七萬餘戶一方
晏然兩淮漕政自九疇去任多廢至是復屬兼理之於是奏罷
易米法申飭條戒有加於舊尋復勅巡撫江北諸郡益盡心
宣布德意凡可以惠民者無不極力爲之景泰初勅審錄諸郡
大辟囚九疇曰洗冤澤物吾所願也凡以情得原者二十六人

有婦人來何菊家者既去而死其家訟菊與弟殺之菊誣服驗其無實而釋之後知殺者果警人也人服其明代還適議關中重地守臣缺人特勅以往詳南京刑部

周瑄字德孚山西太原府陽曲縣人應天府江寧縣籍宣德乙卯鄉舉授刑部江西司主事歷員外郎河南司郎中獻獄明審衆以爲片言折獄之才景泰元年陞刑部右侍郎天順二年陞刑部左侍郎該吏部聽選官典史鄧謙言近年以來有等無籍之徒但有戶婚田土一切小事交爭將家下老病殘疾男婦子女或服毒或打死圖賴於中果有因爭打死勘實檢驗不許擅捉被害之人私家拷打搶取財畜瑄同尚書陸瑜奏請准所言

行法司禁止又存心豈弟於獄之大小悉以情斷成化四年陞
右都御史尋遷南京刑部尚書詳南京刑部

羅綺字尚綱河南彰德府磁州人宣德庚戌進士擢監察御史
歷大理寺丞爲人博學多智少繩檢正統十四年土木之變

英宗北狩 景帝卽位景泰元年六月二十六日也先以屢使議
和不成俾其知樞密院阿剌爲書遣其叅政完脫歡等來 上

疑其詐召文武羣臣議以爲虜交兵積久士馬疲憊又失常年
和好之利度其情出於誠且 太上在虜理宜迎復虜縱以詐

我當推誠 上允遣禮部侍郎李實爲正使陞綺大理寺右少
卿爲副使至虜庭與李實俱辯論不屈及 聖駕回京綺與有

功本年出鎮寧夏二年回京陞刑部右侍郎時松番蠻叛董卜
韓胡都指揮克羅俄監粲攻下雜谷奪其安撫司印土豪王永
陷關堡殺人取貨都御史寇深不能治 上降璽書命綺代之
綺雄偉有謀能斷出奇取捷十不失一開布恩信臨以兵威未
期克羅俄監粲悔過獻印擒永族之松番皆山截業羅立番得
利卽奔巖洞匿木箐深不可測餉道出兩山間絕險民負載僦
五致一羣番伺隙出輒奪米去綺曰不大威之不懲招募材武
得禪師智中國師綽領牌頭尤弄柯皆豪健各領統兵夜銜枚
分道搗賊巢綺亦介冑從之火且攻破撲爬諸寨擒劇賊卓勞
阿兒結十餘人戮之綺志在招降自是破剔體面一切以簡易

治與接杯酒懼番人畏慕終綺任不敢叛後改副都御史亦坐是歸旣還磁溢水西作綠野堂號煮詩道人綺與鄉民不相能後告綺在松潘受潘人金暨器具 詔奪其官籍其家

劉清字廉夫直隸滁州人正統七年中應天鄉試第二登戊辰進士改庶吉士性疎朗頗不羈然強記爲文如流水下筆率數千言立就兄定安道蚤世其事寡嫂盡禮及己巳之變虜犯德勝門百官分地守禦凡三日夜卽帥衛士督發其勤知名拜兵科給事中巡視紫荆關口雅有威望事寧還朝是時行查山苗叛悖亂 朝廷以清久在兵諳戎 命佐都督毛福壽討之是時禮部尚書童軒贈以詩曰明時仕宦作參軍 帝命南征懋

遠人紫氣橫空金劍冷綵雲炫日錦袍新指麾雷動紅蓮曉談
笑風生細柳春會看捷書馳報日定將勛業照麒麟於是進兵
香鑪山常以所得廩賜頒將士卽將士無不人人奮勵奏捷陞
刑部右侍郎尋丁內艱奉 詔奪情還部天順元年以事忤廷
臣指左遷四川叅政卒年四十五

孔文英字世傑系出宣聖之裔祖彥明值宋季兵作徙家武安
再徙邯鄲父志學又徙陝西安化縣遂家焉中永樂十五年鄉
試登辛丑科進士宣德元年初知江西廬陵縣未幾以事至京
師擢浙江道監察御史三年累奉 璽書巡視北直隸民瘼事
訖條奏所以消弭之方大荷寵賚值浙江黃巖縣有健訟者搆

捏齊民三千人相聚譁張爲非奉 勅諭俾往體量鞫問至則
取其文狀究察端緒所自起遂得其所以構造者羅織之詞一
訊衆情皆服立遣註誤之衆獨械首從一夫來京處治人皆交
口以明果稱之十年丁內艱正統紀元廷臣奉 詔選能御史
分理天下軍政以廷臣薦驛召至京改河南道奉 勅清理江
西軍伍九載考滿陞支五品俸仍理前事正統五年陞湖廣按
察使九年丁外艱部屬軍民狀其績相率訴御史乞留御史會
奏得 旨報可奪情起復蒞事後以事至京師景泰紀元 上
詔擇有文武才謀可鎮邊關者吏部以名上遂陞大理寺卿俾
奉 勅鎮守紫荆關及提督總邊軍務至則練兵有法設險有

要施置得宜關備大飭內外晏然無警軍民皆得以樂生與事
六年春 上以刑部左侍郎員缺且邊關無事乃驛召補其缺
七年卒於官

劉廣衡詳尚書天順元年任左

黃仕儁字

四川敘州府富順縣人正統壬戌進士歷

十四年任太僕寺少卿

天順元

年陞刑部右侍郎五年致仕

程信字彥實直隸河間縣籍徽州府休寧縣人正統壬戌進士
擢吏科給事中累官南京太僕寺少卿天順五年召陞刑部右
侍郎信儀觀魁偉性資剛決六籍百子無不涉獵又留心經濟

遼大體自巡撫遼東劾都指揮夏霖不法事爲左都御史寇深所劾謫南京太僕少卿衆論不平至是以人望攸歸而公論益伸以敬正輔長官不隱忍坐視以爲賢尋以憂去後起兵部右侍郎詳南京兵部

董方詳尚書成化元年右

廖莊字安止江西吉安府吉水縣人幼時卓詭不凡弱冠由江西鄉試中宣德五年進士八年選工科給事中十年擢刑科

給事中正統六年陝西饑命往賑之率以便宜從事賴以全活甚衆比還多所建白時東里楊公士奇當國家人有不律者率同列抗章論其不職或曰獨不爲楊公地乎曰此所以報公也

八年大理寺官屬悉以事坐累命署寺事踰月擢大理左寺丞

十一年陞南京大理左少卿景泰五年上疏請朝謁南宮及加

恩禮於 憲廟大意謂仕中朝十餘年間見 上皇臨朝遣使

冊命於邸邸歲時令朝臣謁賀於東廊恩禮隆洽羣下感動今

上皇臨南內問安侍養大聞曠闕是非所以篤忠愛友悌之誼慰

天心而召和氣也且 上皇之子猶子也宜令親近儒臣講明

義理輔成德器以端國家之本以繫天下之心由是忤旨留中

不出明年丁母憂入見命挺於廷幾死明日謫河州定羌驛丞

輿曳就道天順元年 英廟復位召還爲大理寺左少卿時母

服未闋聞外艱遂以情自陳 命賜祭營葬益特恩也服闋謝

南京大理寺五年陞南京禮部右侍郎七年調南京刑部成化
改元御史有言莊於朝者遂引咎請老 上獨知故斥不聽而
遷刑部左侍郎且曰莊大節可取莊益竭誠奉職踰年以疾不
起贈刑部尚書諡恭敏莊爲人直易表裏坦然性剛急詞氣激
烈少不當意輒面折已則釋然雖間爲深機者所中率不能自
易也廣廷大議棘棘不撓及以言被罪名稱籍甚四方想聞其
丰采然不孑孑爲異飭細行以取譽接對士類不見有纖毫貴
勢態尤甚於鄉里故舊營護拯拔極其力之所至卮酒豆肉輒
與爲懽無一食不對賓客旣爲法官所親或勸稍謝往來遠嫌
議乃笑曰昔人有言臣門如市臣心如水吾無愧吾心而已沒

之日無以爲斂鬻居第供費歷時不能售鄉之仕於朝者相與
裒助假貸以佐之賢於世之深情厚貌事邊幅者遠矣故河東
文清薛公謂莊於議論知識獨能得其遠者大者真知言哉

立齋錄云景泰五年七月南京大理寺少卿廖莊上疏勸上

朝 太上皇帝於東宮仍乞令羣臣於時節亦得朝見以慰

上皇之心及 皇姪猶子宜令親近儒臣誦經書以係人心以回

天意留中不出明年閏六月莊以母喪赴京關給勘合八月十

七日早於西角門朝見有 旨這廝在南京十分無禮錦衣衛

拏去着實打八十訖擡送吏部去降除陝西定羌驛驛丞天順

元年二月十三日命吏部取回復職因丁父憂奏乞依制祭葬

父母并錄項所言奏疏以進俄遷南京禮部侍郎改刑部侍郎
曾翬字時升江西吉安府泰和縣人幼穎敏嗜學宣德壬子中
江西鄉試明年會試中第二名廷對 賜同進士出身觀政工
部奉部檄徃陝西治 永興王葬事規畫有方事竣如期藩臬
故舊饋送悉拒不受歸謁少師楊公文貞知拒饋事大加獎慰
除刑部山西司主事治獄證逮訊鞫務求其情老於法家者自
以爲不及丁父憂去服闋改刑部浙江司正統七年海寇作亂
沿海衛所多以無備債事 英廟命戶部侍郎焦公宏徃飭兵
備焦公奏以翬從行凡將士有罪者悉屬治之而守戰方略一
惟言是用及還焦公語朝士大夫曰曾主事有猷有爲可大用

也文貞公聞焦公言亟欲薦擢會薨不果九年陞陝西司員外郎大司寇金公濂以諸司奏牘浩穰命典之獄有關權貴者諸司或踟躕不敢治金公常以屬之無所左右一斷以法由是賢聲益著 秦府誣奏巡撫都御史陳僖敏公私於樂婦 朝論疑駭乃逮樂人治之立得其情遂劾奏者妄而白僖敏之誣尋陞湖廣司郎中時有例方面有缺 命大臣各舉所知時何文淵爲吏部侍郎薦陞廣西布政司右叅政廣西租賦多逋徵督苛急民不堪戎伍逃亾而冒支糧餉如故乃稽逋租之籍諭令漸輸戎伍實數停其冒給由是邊儲漸充思明土官知府黃錄與都指揮黃鉉族兄弟也鉉殺錄父子詐言爲盜所殺獄久不

決奉臺檄會勘鉉以黃金二十斤賄請緩其獄輩拒不納其
奏其罪會鉉以陰謀得脫且徵用之衆爲危之不動太平府與交
趾鄰永樂中運鹽以餉征交之師及兵罷鹽留太平者歲撥民
丁看守民苦之輩曰樹已生於鹽倉消耗多矣奈何猶累守者
邪具奏以鹽折俸而罷遣守者民皆歡呼丁郭淑人憂去服闋
改河南時清軍御史務多得軍以補伍輩與共事歎曰兵民異
籍豈可誣也有可辯者取爲辯之會言事者謂天下多冤獄請
委官審辯河南以屬輩精察詳審多所平反 英廟復辟來
朝因言每歲允軍糧運至臨清倉復出允軍出納多弊乞改水次
交兌爲便 上允所請至今行之南陽諸縣多流民衆議一切

驅逐人情洵洵翬曰彼不過避徭役耳急之且變生遂與巡撫
協謀止之衆乃安天順五年陞山東右布政使所居官署相傳
有妖前任者不敢居乃居之不疑既而妻子歿於署衆因勸它
徙對曰死生命也妖何能爲山東舊苦寒河之役又浣懼水旱
殫心賑恤凡河役所需多方區畫不以煩民曹州奸氓有指民
新墾田爲無糧者以獻戚畹部使者檄丈量翬曰舊令許民墾
荒永爲世業今欲丈量起科得無不可乎部使者深然之遂止
成化元年轉河南左布政使河南人皆喜曰吾父母來矣荆襄
盜起念朝廷出師征討必道河南預期命郡縣儲糧餉具芟
芻兵至給之民以不擾歲饑民缺食而賞軍需銀數萬兩公私

無所措乃會計開封倉糧甚多出官糧百餘萬石平價糶出饑民賴以濟軍賞亦無缺四年陞刑部左侍郎仍給從二品俸明年憲廟命巡視浙江許便宜行事至則徧歷郡縣問民疾苦考吏治得失庶官以不職黜者數百人皆服其當所旌異者後皆爲名臣省重役減官租謫奸吏禁刁訟局匠死絕者減其歲造之額銀場礦絕者停其歲輸之課官司冗濫者革之巡徼當役者增之民皆稱便踰年乃歸中貴怙寵殺人事覺具奏逮治奏上不報越三日奏下卒從其請部臺科道皆吐舌以爲難九年自陳老疾致仕旣抵家絕跡不至城府每風日清美徜徉泉石間歌詠以自適巡按潘泉議歲撥皂隸四名送公家供役

辭不受會有 詔文臣致仕者五品以上進一階廉且貧者歲給半俸有司以告奉例進階資善大夫卒辭俸及得微疾子孫侍者覺稍異問所言笑曰吾今日得正而斃矣誦曾子啓手啓足之言嗑然而逝

杜銘詳尚書成化九年任右本年陞工部左十六年丁憂十九年再起左侍郎

林鶚字一鶚浙江台州府太平縣人登景泰辛未進士第明年拜監察御史丁丑擢鎮江知府壬午當道者以鎮江事簡而鶚才長於治劇請以蘇州知府姚堂兩易其地 詔如其請在蘇州僅一年起拜江西按察使又三年卽遷右布政使尋轉左

寅拜南京刑部右侍郎丁憂復除召爲刑部右侍郎始終歷六年再守大郡二刑曹於兩京出入中外卒稱官守其爲御史時適朝廷方重臺諫一時言事之臣拮据或過其實獨持大體略細故有所不言言必當其實時舉以總三法司奏按士論翕然推重嘗監京府試大臣子有不預薦者意考試官黜落之以沽強直名誣其取士不公邑人林挺適入試在中列疑有私逮挺考訊將中鶚以法及調所考試卷驗皆如格事遂得白英宗復辟凡前日言事臣過許者卒左遷其官特召大臣權其得大體者知大郡鶚得鎮江 陛辭召見諭以擢用之意賜食大官兼給鈔爲道里費至郡舉偏補弊凡前政之廢弛者次第

興舉之未嘗一言暴前人非惟曰必如是及調蘇俗喜誇詐好
興作一切鎮之以靜有所建革必詳審至再然後施行蘇人以
鶚有雅望責旦夕效於是頗有後言久而見所處置事一一各
有深意然後帖然大服鎮江漕河經孟瀆頗險言者請鑿河自
七里港引金山上流通丹陽以避之巡撫都憲主其議鶚以廷
遠而多石且壞民廬墓多言於大臣請按京口牒甘露壩故迹
因而浚之以通舟楫春夏以牒秋冬以壩則道里近而功力省
從其言果便至今人過者必指曰此林太守之功也蘇學廟像
歲久多剝落者或欲因其舊而加以修飭乃奮然曰塑像非古
我太祖於太學易以木主百年夷俗乃革彼未壞者猶當毀

之幸遇其壞易以本主有何不可或以毀聖賢像爲疑乃語曰
此土泥耳豈聖賢耶孔子生於佛教未入中國之前烏識所謂
泥像哉古人席地而坐政不如此也聞者莫不悚服廉憲江西
一時僚貳分巡各道者人異其見往往用已意出入於法一正
之以律多所平反廣信民妄傳天神夏尚書等遠近驚疑乃榜
諭之且戮其魁其怪遂息又嘗以歲饑奏減恒賦十五萬石禁
樂戶買良家女爲娼遏嶺南洞寇不使入境江西士大夫至今
稱良方面者必歸焉在刑部三年罪無大小必加研審其或未
當從容請於太司寇務得其情合於法而後已故獄經斷者咸
稱無冤云

張葵見尚書成化十三年右十五年左右

盛顛字時望直隸常州府無錫縣人景泰辛未進士擢河南道
監察御史在道顧大體不爲已甚累官陝西左布政使成化十
八年陞刑部右侍郎佐其長以明刑恒舉歐陽公求生不得則
死無憾之語爲寮屬告有深文巧詆者輒不樂之刑用是平僅
再踰月調南京詳山東巡撫

侶鍾字大器山東兗州府寧陽縣人成化丙戌進士擢浙江道
監察御史累官保定巡撫右副都御史二十一年陞刑部右侍
郎本年丁憂後降知府累起戶部尚書詳戶部

何喬新詳尚書成化二十一年右

程宗字源伊直隸蘇州府常熟縣人景泰辛未進士授刑部主事陞員外郎治獄詳慎綽有才名天順五年陞吉安知府丁父憂服闋知真定以病未赴改知武昌九年擢四川布政司左叅政十三年陞陝西右布政使再轉左布政使所至皆有政績民多頌之十四年特擢都察院右副都御史治院事尋命巡撫陝西適邊境多事偕總兵官率師征洮州西蕃滿松等族及來往慶陽榆林調度兵食邊境無事再丁母憂去服闋未上會木邦酋長罕竈法孟養思六與孟密曩罕弄母子累歲相讐殺朝議遣宗往諭賜以璽書而行被勅旨諭之折其辯說及見曩罕弄復責其擅相攻擊之罪皆頓首服乃以具奏始設孟密安

撫司以材寨歸木邦不相統攝而西南遂無事矣 朝廷嘉之
轉左副都御史加俸一級仍巡撫雲南贊理軍務二十二年召
爲刑部右侍郎尋轉左以尚書缺署掌部事能律以法部中肅
然弘治元年通計副都侍郎九年考滿陞南京工部尚書詳南
京工部

彭韶詳尚書成化二十三年右

白昂詳尚書弘治二年左

閔珪詳尚書弘治元年右三年左

張錦字尚綱陝西岷州衛軍籍河南開封府太康縣人成化己
丑進士七年授刑部山東司主事十一年陞本司員外郎十二

年陞本司郎中十六年陞大理寺右寺丞二十年陞大理寺左
寺丞二十一年陞大理寺右少卿二十三年陞都察院右副都
御史巡撫宣府地方弘治元年丁憂四年起復補原職巡撫保
定地方本年陞刑部左侍郎八年丁憂十年起復補前職十一
年卒於官

戴珊字廷珍江西饒州府浮梁縣人天順甲申進士擢四
川道監察御史歷福建左布政使弘治二年陞右副都御史撫治
鄖陽四年召爲刑部右侍郎與尚書何文肅公喬新彭惠安公韶
俱以學行負時望相與同心一德期敬獄以長我國家於素
當之成務洗冤抑凡正人受禍者雖忤旨不避若大奸宿猾

盤據不可動者苟法所難宥請弗已也一時稱為得人久之
轉左命勘荆府不法事廷可其議九年遷南京刑部尚書詳都
察院

謝綬字維章江西樂安縣人景泰甲戌進士授工部都水司主
事歷刑部貴州湖廣廣東三司主事員外郎郎中比例原情不
尚苛刻累官工部右侍郎弘治八年改刑部九年轉左性平易
與人不設城府十年陞南京禮部尚書詳南京禮部
屠勳詳尚書弘治九年右十一在十六年再任左

陳道字德修直隸鳳陽府盱眙縣人天順甲申進士授吏部文
選司主事累官右副都御史巡撫河南地方弘治十一年陞刑

部右侍郎十二年轉左爲人沈靜寬厚凡訟獄之輕重悉取案牘顛末閱之詳允而後行死獄尤慎必求其生而不可得始獄故一時囚犯鮮有稱寃者爲人沈靜寡言與人交及取予皆不苟爲政雖尚寬厚至於臨大事治大獄則不舍晝夜思之期於當而後已十三年陞南京都察院右都御史掌院事歷南京刑部尚書詳南京刑部

何鑑見尚書弘治十二年右十三年左十五年丁憂

李士實字若虛江西南昌府豐城縣人新建籍成化丙戌進士授刑部司主事歷員外郎郎中累官右副都御史巡撫雲南地方弘治十三年陞刑部右侍郎十七年致仕後起歷都察

院右都御史以附宸濠誅詳都察院

魏紳字廷佩山東兗州府曲阜縣人少爲縣學生試鄉闈已在選比拆卷監試者以其年未成童弗錄成化丁酉舉於鄉時年二十六尚未娶藩臬諸官長愛其才爭捐俸相成之辛丑登進士第奉使韓府歸始入刑部爲主事至弘治戊申累遷至郎中精練法比操以勤慎獄無滯囚尚書以爲能俾總諸司奏牘兼署三司印廣西有冒稱外戚者已被爵賞事覺被逮皆避不敢承紳一訊卽得其狀遂伏法辛亥擢南京大理寺右丞叅駁明當人至錄其藁以傳戊午擢都察院右僉都御史巡撫山西邊警方急紳親閱戎旅部伍增氣竟亦無他歲且旱民苦徵稅

奏減四分之一又增築偏頭關邊墻四十餘里增墩堡五十餘所 朝廷賜璽書文綺往勞之又廓寧武關城募土兵置營舍皆昔所未備者癸亥遷右副都御史總理南畿諸府糧儲值大饑民死徙相繼極力賑貸凡賦稅夫役工作諸勞曲爲省節崇明有海寇勢甚熾紳重興師旅欲撫定之祇械其首惡後守者弗戒而逸非初意也乙丑 武宗卽位遷刑部右侍郎泣事兩月而卒

魏富字重禮福建漳州府龍溪縣人成化丙戌進士授道

監察御史 年陞浙江僉事十 年陞江西副使弘治 年陞

江西按察使六年陞都察院右僉都御史巡撫順天等處地方

七年養病十一年起改南京大理寺左少卿十三年陞南京大理寺卿正德元年改刑部右侍郎懇辭致仕未任

葉贊字崇禮直隸淮安府山陽縣人天順甲申進士授刑部廣東司主事歷司員外郎司郎中陞浙江台州府知府

性方嚴政尚法理人不敢犯有犬不夜吠吏不晝遊之譎成化間饑屬邑盜嘯聚勢張甚贊乘輿屏從身往諭之旋卽解散丁

憂起復補廣信府知府弘治年陞江西左叅政年陞江西右布政使年陞江西左布政使平瑞州盜鄧茂七有功十

五年陞都察院右副都御史總督南京糧儲正德元年陞南京工部右侍郎本年改刑部右侍郎二年陞刑部左侍郎本年致

仕卒於家

淮安志云葉侍郎爲嚴明守乃詢其居鄉門無雜賓徒步市廛間從以一童子與鄰翁野叟交驩何其和也變化不拘其猶龍乎

陶琰字廷信山西平陽府絳州人成化辛丑進士授刑部四川司主事弘治元年陞山東司員外郎二年陞陝西僉事六年陞陝西副使十四年陞福建按察使十七年陞浙江右布政使十八年陞福建左布政使正德元年調山東左布政使本年陞都察院右副都御史巡撫河南地方二年陞刑部右侍郎本年適陝西遊擊徐謙許奏御史李高厚賂劉瑾欲中高以危法上

命琰往覈琰據法直高瑾怒遂矯詔下獄乃令閑住詳南京

兵部

王鑑之詳尚書正德二年任右

年轉左

劉璟詳尚書正德二年右四年左

韓邦問字大經別號宜菴浙江紹興府會稽縣人父諱弼爲襄
府左長史以宦籍充襄陽郡庠生領成化戊子鄉薦己丑登進
士第授大理寺評事詳慎公清練著時譽乙未陞寺副奉勅
慮囚四川釋寃獄九十餘人戊戌陞寺正未幾陞淮安府知府
淮當南北要衝民苦供役乃隨事節省雖中貴往來不敢過需
撫臣至日皆重之漕務悉與商決江北四郡多滯獄泗州官軍

嘗誣奏無辜逮繫死者尤衆屬辯理咸得其情他若集漕卒禁私離不動聲色而人自畏服丁未陞陝西左叅政守關南士有餘糧民亦按堵弘治辛亥陞江西右布政癸丑陞四川左布政使甲寅奔繼母王氏喪舟行偶觸江險若履平地人以爲孝感乙卯繼丁外艱戊午服闋補廣東所至有惠政己未陞都察院右副都御史巡撫江西南贛汀漳地方時閭民負險爲盜歲久蔓延莫能制乃奏立土官宣布威德一方悉寧時遣中官駐節燒造供御斃器乃力言小民凋弊之甚可憫先王恭儉之節當師上爲感動中止因忤當路執章請老甲子復起巡撫河南中旨取樂工弗遣上疏至引放鄭聲爲戒請甚剴切正德丙寅陞

南京大理寺卿戊辰陞刑部左侍郎時逆閹劉瑾惡之陞刑

部尚書致仕欲假他事中傷而卒不能有所加兩奉詔進階

榮祿大夫狀貌魁梧形若山立舉止有常度不妄笑言接下無

厲色作字必楷居逼城市罕出入卒之日家規肅然外侮鮮及

享年八十有九

才寬字汝栗直隸遷安縣人成化戊戌進士初知西安知府惠

民禮下晝接訟牘夜則飲宴遇事裁決如流皆談笑應之及去

民慕之後正德二年以副都御史巡撫甘肅地方三年改撫陝

西條彙初立尋遷刑部左侍郎未任復改兵部詳三邊總督

張鷟字應祥陝西西安府咸寧縣人成化辛丑進士十八年授

大名知縣十九年調南樂知縣二十一年行取擢道監察御史弘治二年陞浙江巡海副使十二年陞大理寺右少卿十六年陞都察院左僉都御史協管院事十七年陞本院右副都御史仍管院事正德元年改大理寺卿三年陞刑部左侍郎時逆瑾擅柄矯誣善類恠梏臣工刑獄多濫變拱手聽命不能執持駁讞四年致仕

張子麟詳尚書正德四年右六年左

張泰字世亨直隸河間府肅寧縣人成化戊戌進士授鄒平知縣十年行取擢陝西道監察御史弘治二年陞陝西副使三年陞陝西按察使十四年陞河南右布政使本年丁憂十七年起

復補山東布政使十八年陞陝西左布政使正德元年陞都察院右副都御史巡撫陝西地方三年陞大理寺卿五年陞刑部右侍郎六年陞都察院右都御史總制三邊軍務詳三邊總督戈瑄字良玉直隸河間府景州人成化乙未登進士授河南嵩縣知縣乃寬徭役廣措置專務以德化民邑人歌思之辛丑召爲廣東道監察御史督通州倉剔抉宿弊癸卯以父喪去任服闋復除廣東道監察御史會萬妃舞寵瑄率同官上章論之憲廟震怒撻之午門或尤其譴復上疏獨論不報丙午巡按南畿弘治己酉命刷南京文卷所至著有威裁以繼母喪守制癸丑復任甲寅陞四川按察司兵備副使撫治重夔保順等府地故

多盜負山出沒瑄至與明約束申布威信雖偏鄉僻邑必躬臨撫綏召父老諄諭之俗爲丕變又奏請於湖陝相出入之地若利州施州等衛宜統於一庶可責成 上從其言令易勅行事蜀人乃安壬戌陞山東按察使乙丑陞浙江右布政使正德丙寅轉江西左布政使丁卯陞南京都察院右副都御史戊辰改都察院左副都御史時丹山屠公掌院事瑄佐之有所執論屠公輒欣然稱善嘗奉 勅清查牧馬草場辨疆界嚴條約不爲權勢休時劉瑾專政疾其違已追論浙江布政時事前後罰米七百五十石再陳休致不允改南京大理寺卿庚午陞南京刑部右侍郎辛未改刑部左侍郎奉 勅勘岷府事賜羊酒寶鈔

壬申陞南京右都御史掌院事詳南京刑部

黃珂字

四川潼川州遂寧縣人成化甲辰進士二十一年

授龍陽知縣弘治二年丁憂六年起復擢陝西道監察御史十七年陞山東副使正德三年歷陞山西按察使四年陞都察院右僉都御史巡撫延綏六年陞戶部右侍郎七年改刑部右侍郎本年陞刑部左侍郎九年改兵部左侍郎本年陞南院右都御史十一年陞南京工部尚書詳南京工部

張綸字大經直隸宣城人成化甲辰登進士第初知鹽山卽明習吏事首鋤民害數人取貴戚所侵田歸之業主設義倉以備歲凶撫按官交章薦之弘治壬子授浙江道監察御史監蘆溝

稅巡內庫巡光祿寺皆以嚴辨聞甲寅巡居庸諸關風裁凜然
尋以內艱歸丁巳終喪改雲南道按真定諸郡賊吏望風斂戢
任縣令以非法殺人罪未正鞠實坐之富民被盜誣仇家獄成
綸察其冤脫論死者十三人他平反又百十餘人平鄉令欲增
淤田之稅綸曰河濱淤決不常可遣他日患耶會清寧災陳時
弊十事多見采納壬戌陞光祿寺少卿疏浮費所當節者數事
尚膳中官索上供踰額詆侮僚屬又疏請司禮監懲之嘗助
獻內壇上顧問近臣是非張御史耶蓋孝廟臨御既久方疇
咨俊又以綸嘗建白故屬意焉劉瑾舊嘗識之正德初擅政恨
其疏已賴李文正公力救始免擢通政司右通政戊辰又擢都

察院右僉都御史瑾熾日熾縉紳罹危中御史有柳項於通衢
亟偕僚長救之未幾擢大理寺卿奏讞輒忤瑾意時時與辨逢
瑾怒不爲少動致仕都御史強珍家爲警所訐三子論斬坐沒
入又江南人民吳某競渡偵事者誣以爲私造龍舟亦坐沒皆
賴力辨得末減 興襄二府訟田不決者二十年命往處帖然
歸奏稱 旨有牢醪寶楮之賜歲辛未中貴錄囚欲脫豪右族
殺人者罪持不可擬竟如初高陽民王豹爲奸僧所剽刺臂肉
爲龍形捕獲者坐欲叛侈功謂法止梟首用是不合調工部右
侍郎癸酉改刑部侍郎尋轉左時偵卒多羅織無罪力言於僚
長務核實毋致枉人乙亥往覈 代王博王兄弟互訐事會齊

府慶成王獄久不決亦命綸訊鞫詳明奏當皆麗於法回疏處
宗室選婚及祿米折銀二事偵卒獲入京虜謀連引且至百人
會鞫欲連坐綸曰謀若是其多耶止罪二人餘盡釋丁丑以九
年滿陞都察院右都御史詳都察院

王寅字敬夫直隸保定府容城縣人成化辛丑進士第授大理
寺右評事進寺副弘治壬子遷福建按察僉事辛酉遷陝西按
察副使正德丁卯遷廣西按察使己巳陞四川右布政使召
拜太僕寺卿庚午擢工部右侍郎辛未改戶部奔父喪歸守制
服除甲戌改刑部到官幾一月而病再疏乞休致不允疏三上
詔許歸養疾疾愈起用歸兩月而卒壽五十有七初寅爲諸生嘗

執經從都憲楊一清遊愛其慤而文動循規則及爲評事執法比惟謹權利不能奪山西豪右有坐法當死者懷白金二千求脫寅怒曰胡爲以是加我將執之其人懼走久之陞福建僉事運籌策勦海洋羣寇申嚴號令寇畏威遁去海道肅清在陝西分理馬政稽牒按籍不遺餘力復隆緒於磨滅之餘還牧地於官數萬頃其功居多至其分巡諸道理戎務覈邊情所至刮奸剔蠹拒請托制強禦陝之人多能道之 韓藩支庶因姦毒一女子死井中初有司誤坐他人獄且具都憲楊一清廉得其實屬寅治之有緋袍玉帶者造寅所出寶帶一束請曰願救吾兒寅正色拒之竟論如法在廣西二年一方之獄稱平而簡易安

靜不失柔遠之體川藩命下會南北邊警告急 詔廷舉習知
邊務者數人以備用寅在列被徵爲大僕馬政一新爲工部專
理易州山廠剗繁折紛得其機要完逋負二十餘萬在戶部卽
罹家艱以去在刑部病歸卒於家

楊茂元字志仁世爲浙之鄞人成化七年鄉試第五十一年會
試第四 廷試第二甲第七是歲秋八月授刑部陝西司主事
練習法比大司寇林公聰大器之部政有干三法司者悉令兼
理人謂之掌三法司蓋慎選也時有巨璫占民蘆場若干頃訟
興多方致囑盡以歸民同年楊仕偉者爲同部主事中貴汪直
誣以受賄事結徵贓仕偉以乃祖太傅公 恩賜銀四十兩輸

之不足又稱貸以益時息直莫之敢與乃違衆假之隨署其封
曰刑部主事楊某俸銀十兩直見之歎曰好膽氣仕偉之誣遂
白十七年陞福建司員外郎十九年陞四川司郎中明慎益著
二十二年奉 勅錄南直隸囚冊舟次邳州夢血面女子訴冤
一夕三至且稱已訴成善矣黎明詢之成善乃衛巡捕官先有
告者含糊不明但言屍所耳乃令覓其屍果得益此女餉夫之
叔於田時苗甚茂求姦不從怒而鋤其鼻死遂瘞之拘審卽伏
凡情可矜疑者多所平反迄今人錄其論奏以爲式二十三年
陞湖廣按察司副使清理屯田屯田奉 勅自茂元始巡撫梁
都憲雅重其才有大獄輒委理之案牘叢集從容剖決臈弗精

當先是官廨多崇莫敢居者至卽居之從者夜聞戶外人言福
星至矣竟寂無譁弘治二年冬聞文懿計歸繼母夫人憂六年
服闋授山東按察司副使適河決張秋 孝廟初命劉都憲大
夏董其役繼命太監李興平江伯陳銳共治之興銳事多不法
乃抗疏首言治河之策次言水者陰象其應爲後宮爲夷狄請
戒飭后戚防禦邊寇取回輿銳專命大夏自治又請罷取天下
畫工仍革臨清鎮守凡三事其治河一事多官會議如其言

上以太監總兵官不必取回但令裁省禁革而已由是興銳憤恨
圖以報復誣公妖言 詔差百戶胡節械繫如京山東民沿途
遮胡泣訴稱冤胡亦與之泣擁莫可行行將濟河濱河民亦然

乃慰諭以去及 陛見挺身跪不伏 上益怒繫錦衣獄僉謂
莫測胡人見司禮諸中貴備言其深得民心且犯非其罪語與
淚俱諸中貴約與之解南北言官交章論救 上察其忠謫長
沙府同知後河治一如其策當時 廷議謂三事疏與父文懿
講學聽政疏實相表裏而剴切過之所爲有是父必有是子也
抵府卽署事民適阻饑緩之以蘇乃生嘗以寬一分則民受一
分之賜存心故在長沙革驛傳之包當禁屬邑之餽送却屋稅
以支應量地方以供祀要以省民已耳醴陵淶江橋通七省自
李唐來已有七墩立江中架木其上不久卽毀茂元知舟渡被
溺者衆因爲文勸諭且先蠲俸以助民樂爲之無何所募以千

計悉輸之令令以憂去其資則官貸民侵橋迄莫之構後起守
安慶移文湖廣查成之令猶利乃涉越二載以疾篤歸理銓部
及撫按諸司皆檄浙省趣之行家居五年絕意仕進重建對鷗
閣以嬉將終身焉言官論薦者無慮數十疏十六年起陞安慶
府知府憑至乃移闕本府以繳伍都憲符時知府事率僚屬諸
生抵廬勸之駕且資以義不獲已止攜二僕以行時府多畢方
爲災白晝火起軍民苦之羣彈弋焉不能去乃爲文以責城隍
患卽弭息歲連旱必齋素徒步懇祈於紅塵烈日間雨果大注
需屬邑霑足乃已勤惟儉約然應祀神宇則竭力營治他如旌
賢坊忠節祠城垣衢路亦罔弗修繕其却鹽稅逐倡優奏減胡

羊價銀及革天下稅課司之在州縣者尤甚有裨於民十七年入覲太宰馬公文升揚言於衆曰若楊某者天下第一知府也十八年陞廣西布政司右叅政長沙士民爲之立碑示思建祠以祀云在廣西風采益厲岡卹煙瘴徧所部而返思恩田州二府土官岑峻岑猛相讐殺害貽患地方正德元年上命三府進兵乃率前哨擒岑峻并黨劊一千有奇詔改二府爲流官降岑猛爲福建平海衛千戶猛遂擁兵據治勢甚猖獗乃慮其境論以禍福猛言不便遠遷故耳茂元曰是不難卽今魚窩等寨苗賊背叛汝能備兵從討以功贖罪吾將奏請爲爾免遷猛卽叩頭願從魚窩等寨者柳慶搖種也其酋韋朝宣等亂

先是三府具聞其年亦勅令三府征勦乃協同將官勦破
魚窩等寨三四次擒斬甚夥事定奏免其遷况村黃文昌兄
弟三人久爲思明府忠守巡官節討之輒敗績二年陳都憲乃
委同總兵官相機撫勦文昌聞之面縛乞降乃徙文昌而平其
黨二年請老不報時逆瑾差御史孫迪查盤廣西布政司庫各
道皆措銀千兩以餽瑾茂元若罔聞同鄉謝迪嘗諷言無千金
難免桎梏之禍孟子曰桎梏而死者非正命也蓋審圖之對曰
千金之餽非盜官帑則剝民贖以此自救是畏無妄之災而犯
有名之律謹將盜深謂之無辜乎故誓死不爲孟子所云竊謂
不然蓋人所犯顧桎梏何如耳信如教言則桎梏可免何有於

命就使免焉則身無桎梏而心已桎梏矣何可言正古之忠臣烈士每桎梏而死可謂非正命乎故雖受叅至死桎梏則吾本心不失道義猶存雖死不死也况未必死乎逆語塞竟不能叅四年夏吏部擬陞江西右布政使瑾僞旨令致仕千金之憾也乃書寄其子曰昔求之而不得今不求而得之喜可知矣卽買舟歸五年瑾誅起任江西左叅政尋陞雲南右布政使未至轉左時征勦那代餽餉有方且查殺傷者給帑醫埋士心感激司庫有餘銀贖刑銀幾百鎰曰無礙錢吏白惟所用乃叱之曰此正在法賊也烏得無礙籍以譏之其大理奇石之類一切不取七年秋復疏謝事不允陞貴州巡撫僉都御史奉勅兼制


四川酉陽湖廣湖北皆以爲平坪五寨平頭烏雞等苗寇
俄改南京都察院右副都御史既得咨以爲兵糧已集事貴神
速若需交承寇有備矣乃駐扎湖貴中界遣將募兵不一月寇
悉奔潰是捷尤偉茂元疑平民必有橫罹鋒鏑者寢息爲之驚
愕且晝夜批答神傷遘疾其年冬遣人紋勅始抵貴州治惟
以鎮靜安集爲主然太監總兵官而下自臨越厥度八年夏接
撫沈都憲至以疾歸浙 奏不容辭其年秋陞南京兵部右侍
郎久之始赴任九年改刑部右侍郎 不許與大司寇張公
子麟少司寇馮公清同心弼教張盛稱其古人風吾輩所不逮
十年兵部錄貴州功 賜白金二十五兩織文紵絲二表裏十

一年以疾卒年六十有七茂元孝友天至能視烈日久不眩生
平儻有膽略見義當爲毅然爲之不自顧少登高第躋膺仕
人不見色喜中遭偃蹇屈下僚略無怨悔且問學宏博爲詩文
飄逸俊麗有麟洲存稿若干卷尤工書法其在長沙於岳麓書
院復構尊經閣極高明亭各一考文公年譜凡遺事有繫長沙
者分爲八題題以篆勒譜以楷錄親爲之贊贊以隸書皆手筆
也其草書士夫家多懸壁若珍玩張邵詩弘至謂其草書字畫
遒勁匪特臨池之功標亦一毅之氣而見也時以爲格論
馮清字景順天府死平籍浙江餘姚人弘治奏丑進士正德
七年以都察院右僉都御史巡撫寧夏九年陞戶部右侍郎兼

左僉都御史督陝西糧餉十一月奏改西安延綏等處糧草皆徵折色部覆從之邊用益窘十年改巡撫陝西兼督理糧餉時邊餉緊急奏將正德七年至元年停止引鹽與新引兼放所收銀兩輪年解發延綏寧夏甘肅買馬糴糧俱允行之糧賴以集但性圓通善附權勢十一年陞刑部右侍郎十三年陞兵部左侍郎兼左僉都御史總督宣大軍務十五年閑住

金獻民見尚書正德十三年左

胡韶字大聲江西饒州府鄱陽縣人成化甲辰進士授工部

司主事歷



司員外郎



司郎中陞嚴州府知府湖廣

右叅政廣西左叅政正德八年陞廣東右布政使九年陞左布

政使十年陞順天府尹十四年陞刑部右侍郎十六年致仕卒
贈刑部尚書謚康簡

顏願壽詳尚書正德十六年任右本年轉左

臧鳳字瑞周卽孟鳳山東曲阜人弘治庚戌進士壬子選知縣
縣勸農桑興學校使之利安又鑿石甃堤百八十丈以障水衝
民甚便之材譽益彰戊午徵拜福建道監察御史丁內艱辛酉
服闋改浙江道嘗督馬政監抽分巡視南城查點下場馬匹事
不憚勞翕然修舉壬戌巡按宣大肅憲度以振戎備甲子巡按
江西值寧藩潛畜異謀鳳一處以正折其機牙比及代不能少
遲在道七年疏屢上未嘗示人人問之答曰揚人之過以爲已

名予弗忍也丁卯陞懷寧府知府絜綱維布條約均徭平賦扶
善抑奸開惠通河漑民田二千餘頃暇則進諸生語以爲學讀
書作文之要得人滋多辛未陞山西左叅政壬申改河南左叅
政督理糧儲屬流寇猖獗提督彭公率官軍追勦引鳳自助陞
河南按察使夙興蒞事祈寒暑雨弗休書所行者於壁而日稽
銷之吏屬警畏刑獄爲之一清甲戌陞山西右布政使屬天官
奏舉方岳以行旌異之典鳳首與焉尋轉河南左布政使務持
大體略細苛丙子陞都察院左副都御史丁丑調巡撫順天等
府地方鳳督郡邑嚴察舉飭兵戎罷庸懦畿徼以寧後以攘敵
功屢有錦襲寶楮之賜戊寅改提督漕運鳳以漕政久弛悉心

經畫選能以任功剔蠹以祛害庚辰兼巡撫鳳陽等府地方威信素著禁令益行第以河溢徐邳田廬湮沒 聖駕南巡之後儲峙一空鳳乃奏免常租裁縮冗費民之死徙者稍用甦息又建徐節孝陸丞相祠延學者讀書其中以作人材辛巳陞刑部右侍郎適 世廟入承大統 命鳳以本官兼左僉都御史提督宣大三關等處軍務鳳恐邊儲馬匹不足以濟具疏陳請

上嘉納之給以內帑鳳至選將領作士氣明賞罰謹烽堠虜懼弗復入間一入焉雨雹交作挫衄而去鳳曰此天威也有希功者執遊僧乞丐數十人以爲奸細鳳力辯於 朝竟得全活癸未七月奏復孟姓尋以六載考績進階尋轉左侍郎甲申陞南京

刑部尚書詳南京刑部

胡瓚字伯珩直隸廣平府永年縣人弘治癸丑進士明年授行人連奉命冊封湖廣河南山西諸藩餽瓚一無所受歲庚申擢山東道監察御史尋奉命查盤遼東錢糧剔抉宿弊吏民畏服事竣丁外艱服闋復除福建道出按陝西持憲秉法以風裁著條陳事宜上多采納時逆瑾竊柄嫉瓚違已僞旨留

瓚二年又追論遼東事罰米三百石瑾誅瓚乃陞南京大理寺右寺丞壬申擢北寺右少卿尋轉左少卿署篆平允詳明獄無冤滯時武宗命中貴審錄瓚不亢不隨一持以正議逆濠奏胡世寧罪不比倖錢寧奪俸丙子擢都察院左僉都御史巡撫

大同興利革弊豪右屏跡陳邊務六事區畫周悉 上皆嘉納

武宗駕幸雲中值虜寇大舉瓚帥衆禦之躬率行陣虜乃遁去斬

獲甚衆捷 聞錫以璽書及蟒衣二襲白金三十兩廕一子爲

錦衣百戶時隨 駕者多怙勢操法瓚上疏極言且請早回

鑾輿大略以沙漠之地虜寇出沒無常萬一有失臣死不足惜如

宗廟社稷何援袁盎諫文帝西馳峻坂之論言甚剴切月餘不得

肯人皆爲懼瓚曰寧禍身家毋禍軍民也倖將江彬因嫉瓚瓚請

休致不報復懇請乃令養疾十六年召至京 命操江留都上

江洋六事嘉靖元年擢右副都御史癸未擢南京刑部右侍郎

未幾改北甲申擢戶部右侍郎詳南京工部尚書

劉玉字咸粟號執齋江西萬安人祖廣衡任刑部尚書父喬任
湖廣布政玉登弘治丙辰進士除知輝縣潔已愛民奏免拋荒
稅糧人悅而生祠之徵拜山西道監察御史挺直振風紀適通
州缺分守傳奉盧龍衛指揮使胡震陞署都指揮僉事抗章乞
塞倖門及奉命巡視通倉又陳言除去民害會陰雨爲災陳
爻修六事一曰端治本一曰清化原一曰親大臣一曰勵庶官
一曰擇內侍一曰攘外夷旣巡直隸慎重大婚劾太監吳忠輕
慢之罪又陳治忽明忠佞極論太監劉瑾罪惡忤旨下吏罷歸
正德六年瑾敗起河南僉事提督學校九年陞福建副使仍督
學校俱先德行崇名檢闖人祀之三山十二年陞大理寺左少

卿原情比律不徇刑部所擬題申明律意識者是之十四年陞
右僉都御史提督江防十五年改撫治鄖陽尋改南院左僉都
提督江防值宸濠作亂分兵固守與平討賊之功十六年改都
察院理院事嘉靖元年以功陞右副都御史具題死事効勞如
御史蔣達等乞行錄恤敘用時市井王偉倚稱內侍王仲彬家
人夤緣爲奸 旨下釋放玉力請伸憲法嚴加懲戒人人稱爲
名執法三年陞刑部右侍郎 命兼左僉都御史賑濟淮揚饑
民條陳開鹽利廣勸助明賞罰資播種凡四事及轉左侍郎又
奉 命勘都御史席書賑濟被劾事情從公回奏不失國是六
年以大獄閑住所著有執齋集凡二十卷

王啟字景昭浙江台州府黃巖縣人年十六家貧無應門者其父命執役時知縣歛人鄭君達見其肌膚氣貌不類凡兒疑而問曰爾誰家子乃以祖父對又問知讀書乎應曰知遂面試之鄭君亟歎賞乃令罷役而教之後三年領鄉薦連登進士時猶未婚告歸娶畢出授霍丘知縣勤政惠民操慎不苟有兄弟爭財訟不息者以宋人所著兄弟吟令誦之使立廳事朝夕對揖久之乃悔讓其所爭而退一邑皆感益敦教導重農事緩催科鋤強梗霍民至今思之於是名聲大起弘治間召選南道監察御史盡職敢言嘗言 皇親張鶴齡家奴生事宜置國法及言守備內官董讓不法人皆避之考滿陞江西按察司僉事詰奸

滌院既訟者服未訟者畏修白鹿洞濂溪二書院及文丞相祠
堂毀東嶽淫祠四百餘所政暇則事讀書間有所見則隨手筆
記所著有正蒙直解周易傳疏周禮疏義及編古文類選大學
稽古衍義等書正德丁卯考績上京還至河西務覆舟幾殆明
年陞本司副使擬改山東提學不果先是以他事觸怒劉瑾降
廣西容縣知縣謝文肅公贈以詩有不挫心藏國士風之句瑾
又行令廣西巡按御史提問罰米三百石輸之官已復有事罰
米二百石待命未報會赦免久容梧州著邇言等書比瑾
敗乃復爲四川蓬州知州鎮撫兩廣都御史林公廷選論薦陞
南雄府知府履任半載丁黃太淑人憂在途聞陞貴州左叅政

遷家守制服滿陞山西按察使明年陞江西右布政使奏罷寧濠私貢新茶新笋數事時寧濠威虐方熾人皆難之尋丁父憂服滿陞廣西左布政使以征蠻督餉有功陞俸一級辛巳陞都察院右副都御史巡撫雲南地雜華夷輯綏有方人賴以安又著撫滇翊華錄赤城會通記尊鄉續錄王氏族譜義蜂記等書甲申陞刑部右侍郎詳慎刑辟丁亥以大獄免歸日事田園閉戶著書足跡不至公府重修會通記及元鑑年統詩文稿尚多未經彙輯居閑者八年偶因喪子之戚得羸疾革猶衣巾坐正寢湛然而逝氣貌魁偉虬髯星目心地坦夷不矜小節與人語真率無防畛亦不肯隨俗作好惡低昂以亂賢否是非及免官

家居未嘗慙怨性好著述然不甚刻意平生無富貴相衣服飲食麤糲如常人今時俗益偷士習淺薄惟公尚存前輩之風

梁材字大用順天府大城人弘治己未進士授德清知縣廉靜寡慾平易正直民德之正德二年任刑部廣東司主事四年陞貴州司員外郎稱名法家五年改山東道監察御史逆瑾誅榜諭天下李東陽見而愛之令作史紀事稿喜云法史能兼以付史館令勿增減六年知嘉興府再調杭州賢聲日著十一年陞浙江右叅政十二年進掌浙憲雪冤疏滯庭無宿案十五年丁憂嘉靖二年起補雲南定土官警殺之罪巡按深服其明三年陞貴州左布政使視身儉約六年陞右副都御史巡撫江西

履剛正朱數月陞刑部左侍郎尋改戶部詳戶部尚書
許讚詳本部尚書嘉靖六年任右七年左

劉麟江西安仁人弘治丙辰進士嘉靖七年左

聞淵見本部尚書嘉靖七年右八年左

汪鉉直隸婺源人弘治壬戌進士嘉靖八年右詳吏部

寇天叙山西榆次人正德戊辰進士嘉靖九年右丁憂

朱廷聲江西進賢人弘治己未進士嘉靖九年右十一年養病

劉節江西大庾人弘治乙丑進士嘉靖十一年右闕住

陳璋字宗獻浙江温州樂清人資性聰穎書傳過目輒終身不
忘乙卯領鄉薦乙丑登進士疏歸欲終養淑人讓之日不聞舍

孝子而爲忠臣者乎吾得汝祿養足矣促北上以正德戊辰抵京值逆瑾竊政獲罪焉遂矯命令致仕太宰許襄毅公宣於朝曰古今曾有以進士致仕者乎欲爲周旋而力不可同事者咸強賄之璋曰官以賄成吾不爲也卽怡然就道及家甫二旬而母淑人告終識者以天所以成孝子也瑾誅應詔起用辛未授刑部主事時司寇葉城張公子麟精法律屬多難之璋曰士而不讀書謂之廢學官而不讀書謂之曠工況生死人乎乃研求法意至忘寢食律有疑難親爲註解遂以法家名歷員外郎郎中丙子審錄天下獄囚司寇張公廉其能者具名疏上領命審錄八閩所活不下百餘人有恤刑錄行於世錄囚故事鎮巡

皆致幣受之以爲常一無所取曰吾曾大父稽勲公使朝鮮凡厥交際饋遺例却不受吾思無忝先風非矯也事竣還京適

毅皇帝欲南巡偕郎中陸君俸等諫止觸帝怒甚罰跪門五日

杖五十先是璋病痢人皆懼而止之璋曰食其食者死其事吾何以全身爲奮然往諫既杖出臂無完膚伏枕閱五月而後起太師張文忠公孚敬時方釋褐禮部亟往賀曰寵辱不驚死生不貳先生有焉辛巳陞雲南按察司副使世廟嗣登寶位給事吳公巖許公復禮議褒忠良以名上可其奏加俸一級雲南去京師萬里隣接吐蕃諸夷種類不一多有不能盡法者人或難之宗伯王文定公瓚獨曰爲政不難先生素不以勢撓不以

利疚嚴毅端方而出之以和平恕慈祥而斷之以義施諸刑曹者卽其可施臬司者也及至果寬嚴相濟用得其情然介獨自立當路憾之乃曰官以行志屈志以伸官是愛官不愛身也吾有去而已卽稱疾不出當路知其不可屈強出之旣乃摭其美而旌之於上時有武弁以賊非其罪繫獄鞠者咸寃之而避嫌不肯決及署臬毅然曰吾知所矜者情也所守者法也何避嫌之有卽減而出之乙酉陞行太僕寺卿瀕行武弁令其子馳數百里外餽以天花菜二裹璋手之覺其中皆金寶也麾而還之僉事傅君尚文貽書稱頌而滇中至今以爲美談太僕馬政廢弛則修舉廢墜律例五事一求實用二懲不職三嚴有司四

儆守臣五崇寺權威獲兪允一時馬政聿有成績丁亥陞大理
寺左少卿都御史熊公浹薦之於朝戊子陞本寺卿凡法司庶
獄及天下重囚悉從處當以報而平反日益衆時錦衣捕獲羣
盜數十人羅織奏送法司定罪中有十二人實平民也司寇靜
庵胡公世寧知其冤而未之出送大理審瑋曰咎一臧獲於庭
不當其罪人且得而議之况置十二人於非命乎獄雖成不得
不辨乃駁回胡公喜曰此先得我心者也遂爲開釋瑋曰昔有
成命宜再請具奏釋之一日與胡公議罪不合各奏請下廷議
竟是瑋言且行中外法司以爲成式未幾胡致政語人曰陳公
知法而能恕司寇非此人不可胡剛氣人也與公若不合而卒

敬服之如是已丑以疾乞歸不數月法司以決獄忤上意相繼罷去祭酒魏公校嘗曰世道相交大抵以貌而省齋獨眞法家相承率主於刻而省齋獨恕宜天之昌其後也省齋行無何而三法司紛多故矣衆咸服其知幾且處之無跡也壬辰上詔部院議用舊臣乃以璋與尚書泰公金王公時中侍郎李公廷相應命癸巳起爲刑部左侍郎時司寇聶公賢虛心以受事無大小必同心後行且日以律法與諸屬講明每日法官非公明仁恕則輕重之間鮮有得其當者故一時諸屬多以刑名著聞聶公仍據其舊稿壽諸梓名曰比部招議凡入仕者咸賈之以資吏治甲午南京太廟災上聞變驚恨震怒欲罪諸

中使及內外守臣特 勅偕錦衣給事往勘陞辭 賜酒饌相
國李公時執手曰此 朝廷重事簡命君行盡慎諸及至南京
多方咨訪直以天變奏時 上意不可測人皆爲危之乃歎曰
知有公耳敢違天意以爲人譴旣而有官校經過訛言爲公事
至乃笑曰事在勿欺禍福非所計也竟獲 上可其奏中使守
臣悉從未減還 朝踰月寢疾懇疏乞休不允乃強蒞事有上
官以非法杖死下吏聞下法司獄或欲貸之乃與聶公曰殺人
抵罪官與民一也固執不可用忤執政意偕聶公致仕而歸士
大夫咸惜之司寇楊公志學曰殄愠之言見於文王悄悄之憂
形於孔子今之諮詢何傷君子耶故當時賦詩贈者甚衆而司

徒梁公材有曰直氣每聞持正論明刑真欲爲求生大臣匡濟
關天下不爲深謀有重輕尤爲人所傳誦云弟璿貧而早亾撫
其二孤給田以食分宅以居俾各有成立尤耐苦節立官自常
祿之外分毫無取常曰未有不儉於家而能廉於官者故淡素
自分布衣糲飲終其身不改居室湫隘晏如也每念宗祠未建
考妣靡所棲託遇時享輒淚下曰吾何以安飽爲遂竭力經營
之規制則斟酌古今以爲久遠計開家有法雖頑慢亦知有禮
自度樂與人善子姓有讀書向進者卽喜而不寐從弟侍御君
亶少聰慧教且愛之曰亢吾宗者必此弟也遂使與子猷隨京
師受學凡自公退食卽以經史相問難雖至夜分不倦故卒同

鄉薦及侍御君出仕以官常道迪尤至子猷屢不第慰而論之
有詩曰文章在我湏求是出處於人自有時又曰汝但讀書制
行無媿古人不使先聲隕墜吾願足矣固不以功名爲汝苦也
故扁其軒曰心泰爲勗自家食以來足跡不入城市惟杜門種
花以詩酒與司寇高襄簡公友璣往還及親故相娛樂因築伴
醉六柳二小軒以息宴馬壽七十有二

國朝列卿紀卷之五十九終